

四庫全書

子部

欽定四庫全書

子部

御定淵鑑類函卷三百三十四

詳校官鴻臚寺少卿臣梁景陽

主事臣祁韻士覆勘

總校官進士臣繆琪

校對官中書臣孫梅

謄錄監生臣陳太初

欽定四庫全書

御定淵鑑類函卷三百三十四

州郡部一

州郡總裁

冀州

揚州

荊州

青州

徐州

兗州

豫州

雍州

益州

幽州

并州

交州

河南郡

京兆郡

宣城郡

會稽郡

州郡總裁一

原說文曰州疇也疇其土而生之也 春秋說題辭曰

州之言殊也合同類異其界也 風俗通曰周禮五黨

為州州疇也州有長使之相周足也 增釋名曰州注

也郡國所仰注也又曰郡羣也人所羣聚也 原尚書

大傳曰古之處師八家而為鄰三鄰而為朋三朋而為里五里而為邑十邑而為都十都而為師州有十二師焉 增鄭元尚書大傳注曰州凡四十三萬二千家此蓋唐虞之數也 原史記曰鄒衍著書云中國於天下八十一分居其一分耳中國名赤縣赤縣內自有九州禹之敘九州是也不得為州數中國外如赤縣州者有九乃謂九州也有裨海環之如一區中者乃為一州如

是者九乃有大瀛海環其外天地之際焉 案敘河圖

括地象曰天有九道地有九州天有九部八紀地有九

州八柱崑崙之墟下洞含右赤縣之州是為中則東南

曰神州正南曰迎州

次一曰州

西南曰戎州正西曰拾州中

央曰冀州西北曰柱州

一曰梧州

正北曰玄州

亦曰宮州又曰齊州

東

北曰咸州

一作薄州

正東曰陽州天下九州內效中域以盡

地化 又曰崑崙東南地方五千里名神州中有五山

帝王居之 河圖曰九州殊題水泉剛柔各異青徐角

羽集寬舒遲人聲緩其泉酸以鹹荆揚角徵會氣漂輕
人聲急其泉酸以苦梁州商徵接剛勇漂人聲騫其泉
苦以辛兗豫宮徵合平靜有慮人聲端其泉甘以苦雍
冀合商羽端駛烈人聲捷其泉辛以酸 張衡靈憲圖
曰崑崙東南有赤縣之州風雨有時寒暑有節苟非此
土南則多暑北則多寒東則多陽西則多陰故聖王不
處焉 增周書曰郊田方六百里因四土為方千里分
以百縣縣有四郡郡有鄙鄙不過百室以便野事 詩

曰奄有九有 周禮曰大司徒以天下之圖周知九州之地域廣輪之數 王制曰凡四海之內九州州方千里州建百里之國三十七十里之國六十五十里之國百有二十凡二百一十國名山大澤不以封其餘以為附庸閒田八州州二百一十國天子之縣內方百里之國九七十里之國二十有一五十里之國六十有三凡九十三國名山大澤不以盼其餘以祿士以為閒田凡九州千七百七十三國 呂氏春秋曰天有九野地有

九州河漢之間為豫周也兩河之間為冀晉也河濟之間兗衛也東方為青齊也泗上為徐魯也東南為揚越也南方為荆楚也西方為雍秦也北方為幽燕也 淮

南子曰天地之間九州八極土有九山山有九塞澤有九藪 漢班固西都賦曰華實之毛則九州之上腴焉

漢孔安國尚書序曰九州之志謂之九丘 春秋文

耀鉤曰北斗七星主九州 摘輔象曰兗豫屬上台九州

繫於三台荆揚屬下級上之下等一梁雍屬中土中台上冀州

屬錯

中台之下
下台之上

青州屬下土

下台之上

徐州屬下下

下台之下

五經異義曰地有九州足以承天

詩含神霧曰邶鄘

衛王鄭此五國者千里之城處州之中名曰地軸

廣

輿記曰統論天下之大勢如人之有一身京師元首也

玉門遼陽上谷雲朔肩背也河渠咽喉也伊洛襄漢河

淮之間腹心也齊魯秦晉左右手也吳蜀腋也閩廣滇

粵足也肩背厚咽喉通腹心實左右手腋強足無蹠盤

以奉元首而營衛灌注焉斯形充體暢外邪不奸矣

州郡總載二

增廣輿記曰人皇氏依山川土地之勢度為九州謂之
九有於是州有九土土有九山山有九塞澤有九藪水
有六品東南神州曰農土正南次州曰沃土西南戎州曰滔土正南弇州曰并土正中冀州曰中土西北括州曰肥土正北濟州曰成土東北薄州曰隱土正東陽州曰申土是謂九土會稽泰山王屋首山太華岐山太行羊腸孟門是謂九山太汾澠阨荆沅方城穀阪井陘今疵句注居庸是謂九塞具區雲夢揚紆大陸圃田孟諸海隅鉅鹿昭餘析是謂九藪河水赤水遼水黑水江水淮水是謂六水周禮職方疏

曰自神農已上有大九州柱州迎州神州之等至黃帝

以來德不及遠惟於神州之內分為九州 文獻通考

曰顓帝所建帝嚳受之創制九州統領萬國

雍荆豫梁冀青徐兗

揚

北至於幽陵

幽州

南至於交趾

交州

西至於流沙

在張掖居延縣

東至於蟠水

東海中
山也

日月所照莫不砥屬

砥平也四遠皆平而來服

屬

廣輿記曰唐堯命禹平水土分天下為九州

冀兗青徐

揚荆豫

梁雍

爾雅曰兩河間曰冀州河南曰豫州河西曰

雍州漢南曰荊州江南曰揚州濟河間曰兗州濟東曰

徐州燕曰幽州齊曰營州 隋經籍志曰禹別九州定

其山川分其圻界條其物產辨其貢賦 淮南子曰禹

使大章步自東極至于西極二億三萬三千五百里七
十五步又使豎亥步自北極至于南極二億三萬三千
五百里七十五步 漢郊祀志曰禹收九牧之金鑄九
鼎象九州 晉志曰大禹觀於濁河而受綠字橐籥之
內可得而言也天有七星地有七表天有四維地有四
瀆八紘之外名爲八極 原說文曰堯遭洪水民居水
中高土故名曰州 尚書曰禹別九州九州攸同 初

學記曰堯禪天下至舜即位分冀州為幽州并州為青州為營州始置十二州禹受命復為九州 又曰殷湯

受命因夏九州也 增廣輿記曰周立職方掌天下之

土 東南曰揚州正南曰荊州河南曰豫州正東曰青州河東曰兗州正西曰雍州東北曰幽州河內曰冀州

正北曰并州 又分天下為九畿 王畿即禹之甸服侯畿甸畿即禹之侯服男畿采畿即禹

之綏服衛畿蠻畿即禹之要服鎮畿藩畿即禹之荒服釋文曰禹貢有青徐梁而無并幽爾雅有徐幽營而無青梁并職方有青幽并而無徐梁營三代不同故也 原輿地志曰至周成王

時周公作輔定官分職改禹九州以徐梁合之於青雍

分冀州之域為幽并二州大司徒之法五黨為州職方氏掌天下之地辨九州之國保章氏掌天文以星土辨

九州之地所封之國皆有分星以視吉凶 史記曰周

制天子方千里分為縣縣有四郡故左氏傳曰上大夫

受縣下大夫受郡至秦始皇初置三十六郡以監縣

按大

事記曰春秋時郡屬於縣趙簡子所謂上大夫受縣下大夫受郡是也戰國時縣屬於郡所謂上郡十五縣者

是也 輿地志曰秦始皇并天下分置三十六郡

者三十六川

河東南陽南郡九江鄣郡會稽潁川碭郡泗水薛郡東郡琅琊齊郡上谷漁陽右北平遼西遼東代郡鉅鹿邯

鄴上黨太原雲中九原雁門上郡隴西北地漢中巴郡蜀郡黔中長沙凡三十五與內史為三十六郡郡

各領縣縣萬戶以上為令減萬戶為長平百越又置四

郡

閩中南海桂林象郡

合四十郡郡置一守一丞兩尉以典之監

侍御史掌監諸郡 苗恭十四州記曰秦兼天下始皇

二十六年廢五等之爵立郡縣之官以公國為大郡侯

伯為小郡大郡曰守小郡曰尉郡之言君也今之郡字

君在其左邑在其右君為元首邑以載民故取名於君

而謂之郡也

應劭漢官儀曰秦用李斯議分天下為三十六郡凡郡或以列國陳魯齊吳是也或

以舊名長沙丹陽是也或以山陵泰山山陽是也或以川源西河河東是也或以所出金城城下有金酒泉泉味如酒豫章樟樹生庭中雁門雁之所育是也或以號令禹合諸侯大計東治之山會稽是也

輿地

志曰漢有天下王侯郡國並置焉迄於平帝戶口繁息

凡新置郡國六十七與秦三十六合一百三改周雍州

曰涼州復置夏之徐梁二州而改梁曰益北置朔方南

有交趾別置二刺史凡十三部

涼益荆揚青豫兗徐幽并冀十一州交趾朔方

二刺史合十三部刺史十三人各掌一州物理論曰九州變易交錯不同禹貢有梁州無并州周官有并州無梁州爾雅有營州無青州漢興武帝開拓三方立十三州通并梁之數而增交益焉

增合璧事

類曰漢興革秦之弊分內史為三部曰京兆馮翊扶風
更置桂陽江夏豫章河內魏郡東海楚國平原梁國定
襄泰山汝南淮陽千乘東萊燕國清河信都常山中山
渤海廣漢涿合二十三文帝增廣中城陽淄川濟南膠
西膠東河間廬江衡山凡九景帝加濟北濟陰山陽北
海凡四武帝增弘農臨淮西河朔方酒泉陳留安定天
水元菟樂浪廣陵敦煌武威張掖凡十四郡又開置南
海蒼梧鬱林合浦交趾九真日南朱崖儋耳九郡平西

南夷置牂牁越嶲沈黎汶山犍為益州六郡西置武都郡又分立零陵郡合十七郡昭帝增金城平帝合新舊郡國一百十一改雍曰涼梁曰益置徐州并荆揚青豫幽并冀暨交趾朔方凡十三部分隸焉 原續漢書郡

國志曰光武中興命并省郡國明章和至於順帝凡郡

國一百五仍為十三部

河南尹河東弘農京兆尹左馮翊右扶風司隸校尉所部也潁

川汝南梁國沛國陳國魯國豫州刺史所部也魏郡鉅鹿常山國中山國安平國河間國清河國趙國渤海冀州刺史所部也留陽東郡東平國任城國太山齊北國山陽濟陽兗州刺史所部也東海國琅瑯國彭城國廣

陵下邳國徐州刺史所部也濟陽南平開原樂北國北海國東萊齊國青州刺史所部也南陽南郡江夏零陵桂杜陽武陵長沙荊州刺史所部也九江丹陽廬江會稽吳郡豫章揚州刺史所部也漢中巴郡廣漢蜀郡犍為祥犵越犍益州永昌廣漢屬國蜀郡屬國犍為屬國益州刺史所部也隴西漢陽武都金城安定北地武威張掖酒泉熾煌張掖屬國居延屬國涼州刺史所部也上黨太原上部西河五原雲中定襄鴈門朔方并州刺史所部也涿郡廣陽代郡上谷漁陽北平遼西遼東元菟樂浪遼東屬國幽州刺史所部也南海蒼梧鬱林合浦交趾九真日南交州刺史所部也縣邑道侯國千一百八十一戶六百六十九萬八千六百三十一口四千九百一十五萬二百二十至桓帝又置三郡高陽高涼博陵是也靈帝又置三郡南安鄠陽廬陵是也

增後漢書曰獻帝建安十八年復禹貢九州

獻帝春秋
曰時省幽

并州以其郡國併於冀州省司隸校尉及涼州郡國以併於雍州省交州荆益州於是有充豫青州荆梁揚冀益雍九數雖同禹貢無益州有梁州然梁益亦一地也

合璧事類曰先王建安

間置郡九後主增雲南興占併舊郡共二十有二 吳

大皇帝初置六郡少帝置四郡景帝置四郡歸命侯置

十有一併得漢郡共四十有四 原拓地志曰魏武輔

正吳蜀三方鼎峙疆場不定漢建安中置郡十二

新興樂平

西平新平洛陽陰平帶方譙郡樂陵章武南陽襄陵是也又省上郡朔方五原雲中定襄漁陽廬江等七郡

文帝受禪又置七郡

朝歌陽平弋陽魏興新城義陽安豐是也

明帝置六郡

平公孫度得遼西遼東帶方
元菟樂浪又置上庸一郡

少帝又置平陽一郡并得

漢舊郡國五十四平蜀得二十郡

昭烈初置九郡巴東巴西梓潼江陽文山

漢嘉朱提雲南涪陵并得漢舊巴郡廣漢犍為
牂牁越嶲益州漢中永昌南安武都

是也
晉太康平

吳之後天下一統

平吳得州四交廣荆揚也郡四十三
孫權置臨賀武昌朱崖新安廬陵五

郡孫亮又置臨川臨海衡陽湘東四郡孫休置天門建
平建安合浦四郡孫皓置始安始興邵陵安成新昌武
平九德吳興東陽桂林瑯陽等十一郡因
立宜陽一郡并漢十八郡合四十三郡
地記曰司冀兗豫荆揚徐青
幽并雍涼梁益交廣是也

晉自蕩陰敗後羌羯交侵

至乎劉曜陷洛陽於是司冀雍涼青并兗豫幽平秦營

十二州並淪沒矣 增廣輿記曰晉版圖歸一分天下

為十九州

共郡國一百七十有三司州治洛陽兖州治廩丘豫州治項冀州治房子并州治晉陽青

州治臨淄徐州治彭城荊州初治襄陽後江陵揚州治建業涼州治武威分三輔為雍州治京兆分隴山之西為秦州治上邽益州治成都分巴漢為梁州治南鄭分雲南為寧州治雲南幽州治涿分遼東為平州治昌黎交州治龍編分合浦之北為廣州治番禺 合璧事類曰劉宋都建康凡郡

二百三十有八縣千一百七十九南齊都建康淮北之地所有絕少州凡二十有二郡三百九十有五縣千四百七十四 文獻通考曰梁氏州郡多沿舊制天監中

州二十有三郡三百五十縣千二十有五其後更有析
置大同中州百有七郡縣亦稱於此自侯景逆亂建康
傾陷墳籍散逸不可得而詳焉 又曰陳氏土宇彌蹙

於梁北失淮淝以長江為境有州四十有二地轉狹而
州益多郡百有九縣四百三十有八 原括地志曰後
魏孝文帝都洛陽開拓土宇明帝熙平年凡州四十六
鎮十二郡國二百八十九矣天平年凡州六十八至武
定年凡州一百一十一郡五百一十九周明帝受魏禪

至大衆二年凡州二百一十一 增合璧事類曰後周

宇文氏都關中郡五百有八縣千二十四 原括地志

曰隋文帝受周禪至開皇三年罷天下郡其縣但隸州

而已九年平陳以後四海一家大業三年罷州為郡四

年大簿凡郡國一百八十三

合璧事類曰隋文帝開皇三年遷都長安以官冗人

獎遂廢五百餘郡而以州治人名則因循職事同於郡

守無復判舉之任煬帝大業初移洛陽城以平林邑更

置一二既而併省諸州三年改州為郡乃置司隸刺史

分部巡察五年平定吐蕃軍更置四部大凡郡百九十

縣千二百

五十五

唐貞觀十三年大簿凡州府三百五十八

雍華同宜岐隴幽涇寧鄜州都督府坊延原都督府靈
州都督府丹夏都督府銀孟勝州都督府綏慶家蒲虞
汾絳秦晉隰慈呂石潞州都督府沁韓澤沁州都督府
忻朔蔚雲并州都督府其嵐懷相州都督府衛黎魏洺
邢霸博冀德觀深瀛滄定恒并幽易妣檀平明營州都
督府遼師昌崇慎威號陝穀唐兗陳潁徐州都督府滑
泗譙豫亳密青濟濮萊濟州都督府滔宋鄆許冀曹海
沂洛州都督府鄭汴汝襄慶州都督府萬開隋硤蓬鳳
忠渠通集興利溫復合鄧歸荊州都督府梁州都督府
均靜金巴商洋淪房壁閬始梓資嘉陵果遂州都督府
益州都督府綿大榮眉雅普翼茂州都督府簡向塗戎
都督府瀘州都督府雋州都督府冉苻維繼穹郎協曲
褒靡微姚髻州匡宗君曾州樂鈞昆陽光斬申壽昌豪
盧沔荆揚州都督府除楚和安州都督府黃秦州都督
府成武渭蘭州都督府河鄆廓儒岷洮宕臺橋梁州都
督府肅甘瓜沙尹芳文松州都督府扶居巖奉雅叢遠

其生諸員都閫出老懿河湊般鍾旬厥器調流通率序
淳軌州都督府漳津潼王彭祐義疊州都督府龍會潭
州都督府費江涪鄂郢潤施郎岳黔州都督府睦括常
撫彬台饒虔衡永郡連發道吉越州都督府洪州都督
府袁杭宣湖蘇歙辰至南夷應琰莊祥充播年恩高州
都督府循建振昭韶廣州都督府羅崖州都督府續辦
端新春潯賓邑潮賀封梧蒙即龍桂州都督府廉賓藥
象欽橫貴藤象交州都督府儋靈峰融容愛龔州都督
府澄鶯演白景林義智驩州都督府儋崖州是也凡縣
一千五百五十一至十四年西克高昌又置西州都護
府及庭州并六縣通
前凡三百六十州 依敘之為十道也 增廣輿記曰

唐初分天下為十道開元二十一年增置五道

分山南為東西

二道分江南為東西二道
增黔中道京畿道都畿道

文獻通考曰梁初天下別

為十一南有吳浙荆湖閩漢西有岐蜀北有燕晉而朱氏所有七十八州以為梁莊宗初起并代取幽滄有州三十五其後又取梁魏博等十有六州合五十一州以滅梁岐王稱臣又得其州七同光破蜀已而復失惟得秦鳳階成四州而營平二州陷於契丹其增置之州一合一百二十三州以為唐石氏入立獻十有六州於契丹而得蜀金州又增置之州一合百九州以為晉劉氏之初秦鳳階成復入於蜀隱帝時增置之州一合一百

六州以為漢郭氏代漢十州入於劉旻世宗取秦鳳階

成瀛莫及淮南十四州又增置之州五而廢者三合一

百一十八州以為周

至於周末閩已先亡而在者七國自江以南二十一州為南唐自劍

以南及山南西道四十六州為蜀自湖北十州為楚自浙東西十三州為吳越自嶺南北四十七州為南漢自太原以北十州為東漢而荆峽三州為南

平合中國所有二百六十八州而軍不在焉

宋太祖皇

帝受周禪凡州府軍監一百三十九縣六百六十一建

隆四年荆南高繼沖來朝得州府三

江陵府歸峽

縣一十七

是年平湖南得州一十五監一

潭衡邵郴道永全岳瀘朗溇辰錦溪敘桂陽監

縣六十六乾德三年平蜀得州府四十六

益彭鄧嘉邛蜀綿漢資簡

梓遂黎雅陵戎瀘維茂昌榮果閬渠合龍普利興文巴劍蓬壁夔忠萬集開渝涪黔施

連洋興元府縣二

百四十開寶四年平廣南得州六十

廣韶潮循封端英連雄恭惠康恩春

竈勤新高潘雷羅辨桂賀昭梧蒙龔象富融宜柳嚴思唐邕澄資蠻橫賓欽尋容牢白廉黨繡鬱林滕賓義昌

順瓊崖儋

萬安振

縣二百一十四八年平江南得州一十九軍

三 昇宣歙池洪潤常鄂筠悅信虔吉

縣一百八太宗太

平興國三年陳洪進獻其地得州二

漳

縣十四是年錢

俶亦獻其所管得州一十三軍一

抗蘇越湖衢婺台明溫秀處睦福衣錦軍

縣八十六四年平太原得州十軍一

并汾嵐憲忻代遼沁隆石州寶興軍

縣四十一是年李繼捧來朝得州四縣八

夏銀綬宥時天下上閏年

國州府軍幾於四百上令以絹百匹合而盡之為天下圖

至道三年分天下為十五

路其後又增三路天下凡十八路州府軍監三百二十

二

凡京府三次府八州二百五十二軍四十六監一十三

縣一千二百六十二

廣輿記曰宋初分天下為十五路天聖中析為十八元

豐中析為二十大觀中析為二十四宣和中析為二十

六共計京府四府十州二百五十四監六十三縣一千

二百三十四

京東西京西南北河北東西永興秦鳳河東淮南東西兩浙江南東西荆湖南北成

都梓利夔福建廣南

東西黔南燕山雲中

遼史地理志曰太祖以德勒部

之衆代約尼氏起臨潢建皇都東併渤海得城邑之居

百有三太宗立晉於是割古幽并營之境而跨有之以

皇都為上京陞幽州為南京改南京為東京聖宗城中

京興宗陞雲州為西京於是五京備焉總京五

上京南京東京

西京中京

府六州軍城百五十有六縣二百有九部族五十

有二屬國六十東至於海西至金山暨於流沙北至臚

胸河南至白溝幅員萬里 金史地理志曰金襲遼制

建五京置十四總管府為十九路

上京路咸平路東京路北京路西京路中

都路南京路河北東路京兆府路河北西路山東東路

山東西路大名府路河東北路河東南路鳳翔路鄜延

路慶原路

臨洮路

其間散府九節鎮三十六防禦郡二十二刺

史郡七十三軍十有六縣六百三十二後或陞軍為州

陞城堡寨鎮為縣凡京府州百七十九縣加於舊五十

一城寨堡關百二十二鎮四百八十八 元地理志曰

元地北逾陰山西極流沙東盡遼左南越海表東南所

至不下漢唐而西北則過之世祖平宋全有版圖立中

書省一

統山東西河北之地

行中書省十有一

曰嶺北曰遼陽曰河南曰陝西曰四

川曰甘肅曰雲南曰江浙曰江西曰湖廣曰征東

分鎮藩服路一百八十五府

三十三州三百五十九軍四安撫司十五縣一千一百

二十七 廣輿記曰明分天下為兩京十三省

永樂平安南設

交趾省未

北直隸南直隸

畿內郡縣統領於六部故曰隸

山西山東河

幾罷之

南陝西浙江江西湖廣福建四川廣東廣西雲南貴州

國朝定天下為兩京十四省直隸

即京師

盛京

即遼東

江

南

江南分二布政司一轄江寧蘇松常鎮淮揚七府徐州一州一轄安慶徽州池太廬鳳七府滁和廣德三

州

山東山西河南陝西

陝西分二布政司一轄西安延安鳳漢四府興安一州一轄鞏昌

平慶臨

浙江江西湖廣

湖廣分二布政司一轄湖北之武昌漢陽黃州荊襄鄭安德八

四府

府一轄湖南長沙衡永辰常岳寶七府郴州靖二州

福建廣東廣西四川雲南貴

州

州郡總載三

原九圍

百郡

毛詩曰帝命式於九圍漢書曰凡郡國一百三

八輔

九

州

張衡靈憲曰中州含靈外制八輔尚書曰禹別九州

九有

十都

尚書曰以有九

有之師爰革夏正注云九有九州也

下詳總裁一

神州

裨縣

並詳總裁一

三

輔六郡

漢書曰京兆尹左馮翊右扶風為三輔金城隴西天水安定北地上都為六郡

六

輔三河

漢書韋昭謂河東河南河內為三河兼三輔為六輔

殊題

合類

並詳

總裁

涼邠

徐魯

漢書改雍州為涼州尚書曰海岱及淮惟徐州漢官解詁曰涼邠黑

水徐魯

增四極

八紘

爾雅曰東至於泰遠西至於邠國南至於濮鉛北至於祝

惟沂

栗謂之四極脉竹北户西王母

三形

九道

靈憲曰天有九

日下謂之四荒下詳總裁二

位地有九域天有三辰地有三形有象可效有形可度

聖始紀綱而經緯之

左傳虞人箴茫茫禹跡畫為九

州經啟

兩戒

八鎮

唐天文志曰李淳風誤法象志因漢書十二次度數而一行以

九道

為天下山河之象存乎兩戒北戒自三危積石負終南
地絡之陰東及太華逾河並雷首底柱王屋太行北抵
常山之右乃東循塞垣至藏獬朝鮮是謂北紀南戒自
岷山嶠冢負地絡之陽東及太華連商山熊耳外方桐
柏自上洛南逾江漢攜武當荆山至於衡陽乃東循嶺
徼達東甌閩中是謂南紀 楊雄校獵賦戲八鎮而開
關應劭注曰四方四隅為八鎮 九牧 萬區 左傳曰貢金九牧 漢

濟不通旁行天下方制萬里 畫野分疆得百里之國萬區

分地里

配天象

文獻通考

曰周初尚有千八百國而分天下為九畿至成王時亦
曰九州其後諸侯相并有千二百國及平王東遷迄獲
麟之末二百四十二年間諸侯征伐更相吞滅不可勝
數而見於春秋經傳者百有七十國焉百三十九國知
土地所在三十一國不知其處也逮乎下分地里上
配天象所定躔次總標十二及周之末惟有七國

分三條 守五要

史記曰道九山岍及岐至於荆山索隱曰岍壺口底柱太行西傾熊耳嶧

冢內方岐是九山也古分為三條故地里志有南北條之荆山馬融以岍為北條西傾為中條嶧冢為南條鄭

康成又分四列岍為陰列西傾次陰列嶧冢為次陽列

岷山正陽列廣輿記曰臨清南北之咽喉也武定燕

冀之門庭也曹濮魯衛之藩蔽也沂州徐淮之鎖鑰也登萊海東之保障也五要守而天下皆安矣

起

顓帝 始禹貢

通典曰九州之區在昔顓帝及於陶唐分而為九其制最大周之本制起於顓

帝辨其疆界

星辨地 石刻圖

上見總載二記曰魯班刻石為禹

始於禹貢

九州圖今在格城

析物土 制疆域

後魏地形志曰夏書禹貢周氏

石室山東北巖中

職方中盡九州外薄四海析其物

土制其疆域此蓋王者之規模也

罷侯置守

改州

為郡

隋地理志曰秦始皇懲周氏之微弱恃狙詐以為強蒞秦禮典罷侯置守文獻通考曰唐天寶初

又改州為郡刺史為太守大凡郡府三百二十有八縣千五百七十有三羈縻州郡不在數中

依山

川之勢過日月之表

通鑑外紀曰人皇氏依山川土地之勢度為九州謂之九圍各

居其一而為之長人皇居中州以制八輔駕六羽乘雲車使風雨玉海曰神農之地過日月之表泊於高陽北至幽陵南暨交趾西蹈流沙東極蟠木是以制九州而建萬國

州郡有時而更

山川千古不易

鄭樵曰州縣之設有時而更山川之形千古不易所以禹貢分明必以山川定

經界使兗州可移而濟河之兗州不能移使梁州可遷而華陽黑水之梁州不能遷是為禹貢為萬世不易之書後之為史者主於州縣故州縣移易而其書遂廢矣

州郡總裁四

增以名字典郡

漢朱浮與彭寵書曰伯通以名字典郡有佐命之功

跨州兼城

魏曹同六代論曰高祖封建地過古制大者跨州兼城小者連城數十

三刀為州

晉王濬傳

曰濬夢懸三刀於梁上須臾又益一刀李毅曰三刀為州又益者明府其領益州乎果遷益州刺史

一

說定五州

齊王融策問曰片言而求三輔一說而定五州

牧州典郡

梁沈約齊安陸

昭王碑文曰公攬轡升車牧州典郡感達民祇非待期月

先請典州

唐韋嗣立傳曰朝廷重內

輕外每除牧守不行嗣立先請典州以示羣臣

州郡總裁五

原讚梁蕭子顯郡國讚曰郡國既建因州而部離過十
三合不渝九分城列邑名號即阜遷移區併代王代有
冀州一

原釋名曰冀州取地以為名也其地有險有易帝王所
都亂則冀治弱則冀彊荒則冀豐也爾雅曰兩河間
曰冀州周官曰河內曰冀州其山鎮曰霍山其澤藪
曰揚紆其川漳其浸汾潞其利松柏春秋元命苞曰
昴畢間為天街散為冀州分為趙國立為常山淮南

子曰往古之時四極廢九象裂於是女媧殺黑龍以祭冀州漢書天文志曰昴畢為冀州分野

冀州二

原賦漢班彪冀州賦曰夫何事於冀州聊託公以遊居歷九州而觀風亦哲人之所娛望常山之峩峩登北嶽而高遊建封壇於岱宗瘞元玉於此丘徧五嶽與四瀆觀滄海以周流

原箴漢揚雄冀州箴曰洋洋冀州鴻原大陸嶽陽是都

島夷被服潺湲河流表

一作史

以碣石三后攸降列為侯

伯隆周之末趙魏是宅冀土麋沸炫炫如湯更盛更衰

載從載橫陪臣擅命天王是替趙魏相反秦拾其敝北

築長城恢夏之場漢興定制改列

一作封

藩王仰覽前世

厥力

合作歷

孔多初安如山後崩如崖故治不忘亂安不

忘危周宗自怙云焉有予隳六國奮矯果絕其維牧臣

司冀敢告在階

原論魏盧毓冀州論曰冀州天下之上國也尚書何平

叔鄧元茂謂其土產無珍人生質朴上古以來無應仁
賢之例冀徐雍豫諸州也盧釋曰除黃帝以前未可備
聞略言唐虞已來冀州乃聖賢之淵藪帝王之寶地東
河以上西河以東南河以北易水以南膏壤千里天地
之所會陰陽之所交所謂神州也

揚州一

原尚書禹貢曰淮海惟揚州厥貢瑶琨篠簜厥包橘柚
周官曰東南曰揚州其山鎮曰會稽其澤藪曰具區

其川三江其浸五湖其利金錫竹箭 春秋元命苞曰

牽牛流為揚州分為越國立為揚山 漢書天文志曰

牽牛婺女為揚州分野 續漢書曰張禹拜揚州刺史

當濟江行部土人皆以江有子胥之神難於濟涉禹厲

聲云子胥若其有靈知吾志在理察枉訟豈危我哉令

鼓楫而過歷行部邑吏民希見者人懷喜悅 益部耆

舊傳云嚴遵為揚州刺史行部聞道旁女子哭聲不哀

問所哭者誰對云夫遭燒死遵敕吏舁尸到與語訖語

吏云死人自道不燒死攝女令人守尸云當有枉吏白
有蠅聚頭所遵令披視得鐵錐貫頂考問淫殺夫

揚州二

原箴漢揚雄揚州箴曰矯矯揚州江漢之許彭蠡既瀦
陽鳥攸處橘柚羽貝瑤琨篠簜閩越北垠沅湘攸往獷
矣淮夷蠹蠹荆蠻翩彼昭王南征不旋人咸躋於垤莫
躋於山咸跌於污莫跌於川明哲不云我昭董蒙不云
我昏湯武聖而師伊呂桀紂悖而誅逢干蓋邇不可不

察遠不可不親靡有孝而逆父罔有義而忘君太伯遜位基吳紹類夫差一誤太伯無祚周室不匡句踐入霸當周之隆越裳重譯春秋之末侯甸叛逆元首不可不思股肱不可不孳堯崇一作勤屢省舜盛欽謀牧臣司揚敢告執籌

荊州一

原釋名曰荊州取名於荆山也荆警也警南蠻數為寇逆其民有道後服無道先強常警備之也 尚書禹貢

曰荆及衡陽惟荊州厥貢羽毛齒革惟金三品杔幹括

柏礪砥砮丹惟筭路楮包匭菁茅厥篚玄纁璣組九江

納錫大龜 周官曰正南曰荊州其山鎮曰衡山其澤

藪曰雲夢其川江漢其浸潁湛其利丹銀齒角 春秋

元命苞曰軫星散為荊州分為楚國荆之為言強也陽

盛物堅其氣急悍也 漢書天文志曰翼軫為荊州分

野 太康地記曰荊州於古蠻服之地也秦滅楚置郡

縣漢武分為交州至魏晉而荊州所部郡國二十 沈

約宋書曰朱修之為荊州刺史百城士民贈貺一毫無
所受去鎮之日秋毫無犯計在州以來內外然油及私
牛馬食費以私錢六十萬禪之

荊州二

原歌梁宋史荊州樂歌曰章華遊獵去絕郢從禽歸溶
溶紫煙合鬱鬱紅塵飛 又歌曰朝發江津路暮宿靈
谿道平衢廣且直長楊鬱裊裊

原箴漢揚雄荊州箴曰杳杳

一作幽幽

巫山在荆之陽江漢

朝宗其流湯湯夏后遭洛

鴻一作

荆衡是調雲夢塗泥包

匭菁茅金玉砥礪象齒元龜貢篚百物世世以饒戰戰
慄慄至桀荒溢曰在帝位若天有日不順庶國孰敢余
奪亦有成湯果秉其鉞放之南巢號之以桀南巢茫茫
包楚與荆風飄以悍氣銳以剛有道後服無道先強世
雖安平無敢逸豫牧臣司荆敢告執御

青州一

原尚書禹貢曰海岱惟青州厥貢鹽絺海物惟錯岱畎

絲泉鉛松怪石 周官曰正東曰青州其山鎮曰沂山

其澤藪曰望諸其川淮泗其浸沂沭其利蒲魚 春秋

元命苞曰虛危之精流為青州分為齊國立為萊山

漢書天文志曰虛危者青州之分野 王隱晉書曰苟

晞為青州刺史役煩賦重民不堪命日斬千人流血成

川號曰屠伯 太康地記曰青州東方少陽其色青其

氣清歲之首事之始也故以為名周之建國表齊東海

居於青州故吳季札觀樂於魯聞齊之詩云泱泱乎大

國之風也其表東海者乎

青州二

原箴漢揚雄青州箴曰茫茫青州海岱是極鹽鐵之地
鉛松怪石羣水攸歸萊夷作牧貢篚以時莫怠莫違昔
在文武封呂於齊厥土塗泥在丘之營五侯九伯是討
是征馬殆其銜御失其度周室荒亂小白以霸諸侯僉
服復尊京師小白既沒周卒陵遲嗟茲天王附命下土
失其法度喪其文武牧臣司青敢告執矩

徐州一

原尚書禹貢曰海岱及淮惟徐州厥貢惟土五色嶧陽
孤桐泗濱浮磬淮夷蠙珠暨魚厥篚元纁縞 春秋元
命苞曰天弓星主司弓弩流為徐州別為魯國徐之為
言舒也言陰牧內安詳也 漢書天文志曰奎婁胃為
徐州之分野

徐州二

原箴漢揚雄徐州箴曰海岱伊淮東海是渚徐州之土

邑於蕃宇大野既瀦有羽有蒙孤桐蠙珠泗沂攸同實
列蕃蔽侯衛東方民好農蠶大野以康帝癸及辛不祇
不恪沈湎於酒而忘其東作天命湯武勦絕其緒祚降
周任姜鎮於琅琊姜氏絕苗田氏攸都事由細微不慮
不圖禍如丘山本在萌芽牧臣司徐敢告僕夫

兗州一

原尚書禹貢曰濟河惟兗州厥貢漆絲厥篚織文浮於
濟漂達於河周官曰河東曰兗州其山鎮曰岱山其

澤藪曰大野其川河沛其浸盧維其利蒲魚 春秋元
命苞曰五星流為兗州兗之言端也言隄精端故其氣
纖殺分為鄭國 漢書天文志曰角亢氏為兗州之分
野

兗州二

原箴漢揚雄兗州箴曰悠悠濟河兗州之寓九河既導
雷夏攸處草繇木條漆絲絺紵濟漯既通降丘宅土成
湯五徙卒都於亳盤庚北渡牧野是宅丁感雉雉祖已

伊忠爰正厥事遂緒高宗厥後陵遲顛覆厥緒西伯戡
黎祖伊奔走致天威命不恐不震婦言是用牝雞是晨
三仁既知武果戎殷牧野之禽豈復能耽甲子之朝豈
能復笑有國雖久必畏天咎有民雖長必懼人殃箕子
獻欬厥居為墟牧臣司寇敢告執書

豫州一

原尚書禹貢曰荆河惟豫州厥貢漆枲絺紵厥篚織纊
錫貢磬錯浮於洛達於河周官曰河南曰豫州其山

鎮曰華山其澤藪曰圃田其川滎洛其浸波澨其利林漆絲枲 春秋元命苞曰鉤鈐星別為豫州豫之為言序也言陰陽分布各得處也 漢書天文志曰房心為豫之分野

豫州二

原箴漢揚雄豫州箴曰郁郁荆河伊洛是經滎播枲漆惟用攸成田田相拏廬廬相距夏殷不都成周攸處豫野所居爰在鵲墟四隩咸宅寓內莫如陪臣執命不慮

不圖王室陵遲喪其爪牙靡哲靡聖損失其正方伯不
維韓卒擅命文武孔純至厲作昏成康孔寧至幽作傾
故有天下者毋曰我大莫或余敗毋曰我強靡克余亡
夏宅九州至於季世放於南巢成康太平降及周微帶
蔽屏營屏營不起施於孫子王赧為極實絕周祀牧臣
司豫敢告柱史

雍州一

原尚書禹貢曰黑水西河惟雍州厥貢惟球琳琅玕浮

於積石至於龍門西河 周官曰正西曰雍州其山鎮曰岳山其澤藪曰弦蒲其川涇汭其浸洛渭其利玉石

春秋元命苞曰東井鬼星散為雍州分為秦國東距殽阪西有漢中南含高山北阻居庸得東井動深之萌其氣險也 春秋文耀鉤曰華岐以北龍門積石南至三危之野雍州屬魁星 河圖曰秦地方千里 漢書曰秦得百二

蘇林曰言秦地險固以二萬人足當得諸侯百萬人

天文志曰東井

與鬼為雍州分野 太康地記曰雍州兼得梁州之地

西北之位陽所不及陰氣雍闕故取名焉

雍州二

原詩晉摯虞雍州詩曰於皇先王經啓九有有州惟雍
居京之右土載輿區山包神藪嘉生惟繁庶類伊阜悠
悠州域有華有戎外接皮服內含岐豐周餘既沒夷德
未終莫不慕義易俗移風

原箴漢揚雄雍州箴曰黑水西河橫截崑崙邪指閭闔
畫為雍垠上侵積石下礙龍門自彼氐羌莫敢不來庭

莫敢不來匡每在季王常失厥緒侯紀不貢荒侵其寓
陵遲衰微秦據以戾興兵山東六國顛沛上帝不寧命
漢作京隴山以徂列為西荒南排勁越北啓彊胡并連
屬國一護攸都蓋安不忘危盛不諱衰牧臣司雍敢告
綴衣

益州一

原春秋元命苞曰觜參流為益州益之言隘也謂物類
並決其氣急切決列也漢書天文志曰觜參為益

州分野 揚雄蜀本紀曰蜀始王曰蠶叢次曰伯雍次
曰魚鳧 又曰武都人有女蜀王納以為妃疾卒葬於
成都作石鏡一枚以表其墓 十州志曰蜀王杜宇自
號望帝 左思蜀都賦曰外負銅梁宕渠內函要害膏
腴

益州二

原箴漢揚雄益州箴曰巖巖岷山古曰梁州華陽西極
黑水南流茫茫洪波鯀堙降陸于時八都厥民不隩禹

導江沱岷嶠啓乾遠近底貢罄錯砮丹絲麻條暢有稷
有稻自京徂畛民攸溫飽帝有桀紂洹沈頗僻遏絕苗
民滅夏殷績爰周受命復古之常幽厲夷業破絕為荒
秦作無道三方潰叛義兵征暴遂國于漢拓開疆宇恢
梁之野列為十二光羨虞夏牧臣司梁是職是圖經營
盛衰敢告士夫

幽州一

原釋名曰幽州在北幽昧之地也 周官曰東北曰幽

州其山鎮曰醫無閭其澤藪曰獫狁其川河沛其浸菑
時其利魚鹽 春秋元命苞曰箕星散為幽州分為燕
國幽之為言窈也言風出入窈冥敏勁易曉故其氣躁
急 漢天文志曰箕尾為幽州分野

幽州二

原箴漢揚雄幽州箴曰蕩蕩平川惟冀之別北阨幽都
戎夏交徧伊昔唐虞實為平陸周末薦臻迫於獯鬻晉
失其陪周使不阻六國擅權燕趙本都東限瀛貊羨及

東胡強秦北排蒙公城塹大漢初定介狄之荒元戎屢
征如風之騰義兵涉漠偃我邊萌既定且康復古虞唐
盛不可不圖衰不可或忘隄潰蟻穴器漏鍼芒牧臣司
幽敢告侍旁

并州一

原周官曰正北曰并州其山鎮曰恒山其澤藪曰昭餘
祁其川庠洹夷其浸洩易其利布帛春秋元命苞
曰營室流為并州分為衛國之鎮立為明山并之為言

誠也精舍交并其氣勇抗誠信也 漢書天文志曰營
室東壁為并州分野 太康地記曰并州不以衛水為
號又不以恒山為名而云并者蓋以其在兩谷之間乎
韓魏趙謂之三晉即并冀二州是其地也

并州二

原箴漢揚雄并州箴曰雍別朔方河水悠悠北辟獯鬻
南界經流畫茲朔土正直幽方自昔何為莫敢不來貢
莫敢不來王周穆遐征犬戎不享爰貊伊德侵玩上國

宣王命將攘之涇北宗周罔職日用爽蹉既不俎豆又不干戈犬戎作難斃於驪阿太上曜德其次曜兵德兵俱顯靡不悴荒牧臣司并敢告執綱

交州一

原苗恭交廣記曰漢武帝元鼎中開拓土境北開朔方南置交趾刺史建安二年南陽張津為刺史交趾太守士燮表言伏見十二州皆稱曰州而交獨為交趾刺史何天恩不平乎若普天之下可為十二州者獨不可為

十三州詔報聽許拜津交州牧加以九錫彤弓彤矢禮
樂征伐威震南夏與中州方伯齊同自津始也 太康
地記曰交州本屬揚州取交趾以為名虞之南極也周
有天下越裳氏慕聖人之德重九譯貢白雉秦滅六國
南開百越置桂林象郡以趙佗為龍川令因秦之末自
擅南裔漢高革命加以王爵始變椎髻襲冠冕焉

交州二

原箴漢揚雄交州箴曰交州荒裔水與天際越裳是南

荒國之外爰自開闢不羈不絆周公攝祚白雉是獻昭
王陵遲周室是亂越裳絕貢荆楚逆叛四國內侵蠶食
宗周臻於季報遂入滅亡大漢受命中國兼該南海之
宇聖武是恢稍稍受羈遂臻黃支杭海三萬來牽其犀
盛不可不憂強不可不懼顧瞻陵遲而忘其規摹亡國
多逸豫而存國多難泉竭中虛池竭瀨乾牧臣司交敢
告執憲

河南郡一

案河南京北二郡所
載事與京尹當相通

原應劭漢官儀曰河南尹所治周地秦兼天下置三川

守河雒伊也漢更名河南

詳京尹

謝承後漢書曰華崧

為河南尹優賢養民興教崇化至其翦治強宗威烈不虧遂見譖毀又曰羊陟遷河南尹下車計日受俸嘗

食乾飯茹菜禁斷豪右囑託書疏不與交通斷理冤徒進用善士節操者旌表異行魏志曰司馬芝為河南

尹抑強撫弱私請不行芝為教與羣下曰蓋君能設教不能使吏必不犯也吏能犯教而不能使君必不聞也

夫設教而犯君之劣也犯教而聞吏之禍也君劣於上
吏禍於下此政事所以不理也可不各勉之哉 傳子
曰傳嘏為河南尹治以德教為本然持法有恒簡而不
可犯見理識情獄訟不任櫟楚而得其實不為小惠
尹 又曰樂廣為河南尹郡中前廳多怪病後人皆於
廊下督郵傳中治事無敢在廳事者惟廣處之白日戶
自閉二子凱橫等懾怖廣使掘墻孔得狸乃絕

河南郡二

原箴後漢崔駰河南尹箴曰茫茫天區畫冀為京商邑
翼翼四方是營唐虞商周河洛是居成王郊廓以處鷄
墟諸夏勁強是從是橫徹我墻屋而師尹不匡霸奪其
權宗器以分圖籍遷齊九鼎入秦

京兆郡一

原漢書曰趙廣漢為京兆尹以和顏接士事善推功歸
之下曰某掾屬所為非二千石所及吏皆書寫心腹無
所隱匿又曰張敞守京兆尹尹自趙廣漢誅後皆不

稱職市師寢廢長安市偷盜尤多百賈苦之敞既視事

求問長安偷盜首長數人居皆溫厚出從僮僕閭里以
為長者敞皆召既見責問因貸其罪乃署吏令致諸偷
以自贖為置酒小偷皆來賀之飲醉偷長陰以赭汙其
衣裾吏坐門閱赭汙者輒收之一日捕得數百人由是
枹鼓希鳴市無偷盜 又曰王駿為京兆尹成帝欲大
用之故試以政事先是京兆有趙廣漢張敞王遵王章
王駿皆有名京師稱曰前有趙張後有三王

京兆郡二

原碑後漢蔡邕京兆尹樊陵碑曰於顯哲尹誕德孔彰
膺帝休命謂篤不忘爰納忠式規悟聖皇欽崇園邑大
孝允光九命車服昭示采章軒輶四牡承祀蒸嘗多士
時貢繇役永息進路孔夷民清險棘同體諸舊兆萌蒙
福惠垂無疆守以罔極

宣城郡一

原陶氏家傳云陶汪晉咸康中為宣城内史君從父猷

先為之君到郡乃招隱逸廣開學舍以此教民民有向
方者則辟為掾吏百姓歌之曰人當勤學得主簿誰使
為之陶明府 晉中興書曰桓彝少孤家貧而性度高
豁不以簞瓢屑意年在弱冠便有知人之鑒為宣城太
守百姓懷之 沈約宋書曰羊元保為黃門郎善弈棋
棋品第三太祖亦好弈數蒙引見嘉其溫謹與太祖賭
郡戲勝以補宣城太守

宣城郡二

原詩宋袁淑登宣城郡詩曰悵焉訊舊老茲前乃楚居

十代闕州記百祀絕方書 齊謝朓始之宣城郡詩曰

簪綬逢嘉惠教義承君子心跡若未并憂歡將十祀幸

霑雲雨慶方轡參多士振鷺徒追飛羣龍難隸齒烹鮮

止貪競共理屬廉恥伊余昧損益何用祇千里解劔北

宮朝息駕南川浹寧希廣平詠聊慕華陰市 又宣城

郡內登望詩曰借問下車日匪直望舒圓寒城一以眺

平楚正蒼然山積陵陽阻溪流春穀泉威紆距遙甸巉

巖帶遠天切切陰風暮桑柘起寒煙悵望心已極惆恍
魂屢遷結髮倦為侶平生早事邊誰規鼎食盛寧要孤
白鮮方棄汝南詔言稅遼東田

會稽郡一

原司馬彪續漢書曰任延拜會稽南部都尉時年十九
迎吏見其少皆驚會稽多名士延到官皆聘請高行俊
又敬待師友之禮及掾吏貧乏輒分俸祿以賑給之
晉中興書曰諸葛恢為會稽太守臨行上為置酒謂之

曰會稽晉之關中足食足兵在於太守以君有莅任之方是以相屈四方分崩當匡振否運治之所先君為言之恢陳謝因對曰今天下喪亂之餘風俗陵遲宜尊五美屏四惡進忠實之士退浮華之黨中宗深納之又

曰王彪之為鎮軍將軍會稽內史加散騎常侍居郡八年豪強斂跡亡戶出者三萬餘口又曰王述作會稽

太守外白請諱答曰惟祖惟考四海所知過此無所復

諱

會稽郡二

原啟齊謝朓為王敬則謝會稽太守啟曰臣本布衣不
謀遠大折衝之勤不舉燮理之義何階常恐覆餗是貽
咎徵斯應陛下繼厯勝統日月重光得以桓珪衮服拜
奉歲時視濯獻牲鞠躬郊廟而鴻恩妄假復授龜符玉
節邁於雙璜表東侔之四履臨邊三事既謝張溫潁川
再撫亦慙黃霸

御定淵鑑類函卷三百三十四

欽定四庫全書

御定淵鑑類函卷三百三十五

州郡部二

河南道 隴右道

關內道 山南道

河東道 劍南道

河北道 淮南道

江南道 嶺南道

河南道一

原案河南道者即禹貢豫徐青兗四州之域

案尚書兗州西北距

河謂古九河也九河填塞今之河北博德北距河東至滄棣等州即古兗州之地今為河北道矣

海南及淮西至荆山盡其地也

河南府周地也風雨

之所交也陰陽之所和也日至之景尺有五寸謂之地

中昔周公營洛邑至平王居之宋州宋地也

古豫州域

古

商丘也閼伯之墟周封微子是為宋也

漢書地理志云房心為豫州宋

之分野漢代梁孝王都之青州齊地也古爽鳩氏之墟

周封太公於營丘為齊也

今臨淄縣

兗州魯地也

魯今曲阜縣也

漢書地理志云奎婁為魯屬古徐州

古少昊氏之墟周封周公後為魯侯

陳州陳地也

古豫州域

平王東遷鄭武公居之

今新鄭

其後

韓哀侯滅鄭而居其地

韓貞子初都河北之平陽哀侯徙焉

東自豫許略

汝鄧面西得河南府之陽翟福昌新安盡韓地也

案漢書地

理志陳韓鄭並角亢氐之分野

汴州魏地也魏初居河北

魏絳徙居安邑

惠

王以安邑近秦乃徙都焉

今汴州大梁城是也

得河南滑州之境

分得韓之鄭豫等數州之東界屬於魏也

地理志云魏甯虜參之分

野

河南道二

原帝臺 天室

山海經云鼓鐘之山帝臺之所以觴百神也郭璞注云舉觴燕會則於此山也

在伊闕西南

史記曰周武王曰我南望岳鄙

馬坂

粵瞻伊洛無遠

天室營周居於洛邑而後去之

二

龍門

戴延之西征記曰次前至黃馬坂去計素緒十里易乾鑿度曰禹鑿龍門闕伊闕

邙

阜洛川

西山記邙山西連東垣亘阜相屬曹植洛神賦曰容與乎陽林流盼乎洛川

八

關四塞

鄜道元水經注曰漢靈帝以何進為大將軍將五營士屯都亭置伊闕函谷廣城大谷轅

成皋右函谷前有伊闕却背孟津此四塞之固

轅轅

邙邙

關駟十三洲志曰轅轅道凡十二曲也今在緱氏縣東南左傳曰成王定鼎於邙邙

九坂三川

穆天子傳曰天子西升九坂郭璞注新安縣十里有九坂史記曰秦襄公初以周

地置三川郡

金谷

銅駝

郭緣生述征記曰金谷谷也地有金水自太白源南流經此谷

注穀水華延雋洛陽記曰兩銅駝在宮之南街東西相向高九尺謂之銅駝街

三塗

九

谷

左傳曰四岳三塗九州之險晉杜預釋例曰三塗陸渾山名張衡東京賦曰濯龍芳林九谷八谿

方湖

曲洛

酈道元水經注曰華林園景陽山北經方湖湖中趣御座石前建蓬萊山穆天子

傳曰東遊於黃澤宿於曲洛

梓澤

芝田

劉澄之宋永初山川記曰梓澤地名去王城二

十四里曹植洛神賦曰稅駕乎衡皋秣駟乎芝田以上河南府

牛蘭

狐聚

酈道元水

經注曰牛蘭水出魯陽縣北牛蘭山漢書曰梁縣有羆狐之聚

黃陂

白水

水經注曰

黃山積為黃陂入白水亭城西南以上汝州

虢國

虞城

漢書曰陝州虢國也又曰周

封太伯後是為虞公謂之虞城

茅津

柏谷

杜預云茅津在太陽縣西漢武故事曰帝微

行至於柏谷以上陝州

石隄

金匱

水經注曰石隄山下有祠遁甲開山圖曰熊耳山

有金匱石室

鳩里

鴻關

漢衛太子東走西湖藏金鳩里水經注曰漢關亭東有鴻關

號州以上

北利

西平

十三州志曰北利城今在上蔡崔鴻後燕書曰西平縣屬汝

陰

龍泉

羊澗

後漢書曰平興泉有二龍焉十三州記曰武帝時有白羊出谿澗中

以上豫州

西唐

南郭

後漢書曰高鳳隱西唐山周地圖記曰後魏於南郭城中置南陽

郡

蓼國

謝城

漢書曰湖陽縣故胡國荆州記曰棘縣有謝城以上唐州

國

陶丘

漢書云汝陰縣故胡國晉書曰汝陰縣有陶丘鄉

汝墳

潁浸

毛詩

曰汝墳道化行也曰荊州其浸潁洪

周禮曰正南以上潁州

炎都

楚徙

帝王世紀

曰神農初都陳漢書云楚頃襄王東徙於陳

鷄水

狐丘

水經注洧水南出謂之鷄籠水

左傳楚侵陳克
狐丘汝上陳州

二潁

五都

成公綏賦曰俯臨二
潁魏略曰以長安

譙許昌鄴洛
陽為五都

方城

曲洧

左傳曰楚國方城以為城
又曰諸侯伐鄭至於曲

洧以
上許州

蕩渠

原圃

水經注曰陰溝出陽武縣之蕩
渠左傳曰鄭有原圃猶秦之

有具
國

踐土

鴻溝

左傳晉文公作王宮於踐土注云
鄭地漢書於滎陽下別河東南

為鴻溝
以上鄭州

逢澤

汴渠

漢書曰逢澤在開封東北史
記曰秦孝公使公子會諸侯

於逢澤
倉垣城南臨汴渠
西征記曰

羊湖

沙海

述征記曰汴南董
生引汴水自羊湖

戰國策曰梁君欲得九鼎謀於
沙海之上為日久矣
以上汴州

金隄

石濟

漢書曰河

決東郡所築號曰金隄
記曰河有一積石謂之石濟
述征

蒲邑

桃城

左傳曰
齊侯衛

侯胥命於蒲注曰蒲甯殖邑也續漢書曰桃城在燕縣南以上滑州

譙國

瀨鄉書

曰譙國魏明帝分置瀨鄉記云老子祠在瀨鄉

麥丘

桑邑

桓譚新論曰齊桓公行見

麥丘人水經注曰山桑邑俗謂之北平城以上亳州

商丘

景亳

左傳曰開伯居商丘

又曰湯有景亳之盟

棘壁

桐門

漢書曰吳楚七國反先擊破梁棘壁左傳曰楚圍

宋門於桐門以上宋州

清水

梁山

述征記曰鉅野縣有清水又曰梁山滌清水更屬

無鹽

陽穀

漢書云無鹽縣近東平國左傳齊侯會於陽穀以上鄆州

潁

澤葵丘

尚書曰導潁澤被孟諸左傳曰齊桓公會諸侯于葵丘

五丈

三陂

水經注曰潁水俗謂之五丈溝尚書曰湯遂伐三陂以上曹州

穀林

瓠子

春秋

曰堯葬穀林

漢書曰河

秦亭

盧邑

左傳曰魯築亭於秦杜預

注云范縣西北有秦亭

又曰高

狼水

魚山

水經注曰

狼水出大鑑山狼谿西北流經穀城西

漢書曰武帝

魚山北臨河

萊邑

蒲臺

水經注曰萊蕪縣昔齊景公滅萊萊人播北谷邑落

荒蕪故曰萊蕪三齊略記曰海側有臺高八丈秦始皇於臺下繫蒲繫馬因名蒲臺

甲山

龍水

水經注曰萌水出於甲山述征記曰梁鄒城西有龍水或云齊之孝婦涌泉發於宅內以龍覆水

所以名曰龍水

濟河

洙泗

尚書曰濟河惟兗州禮記曾子謂子夏曰吾

與汝事夫子於洙泗之間

鳧嶧

龜蒙

宅毛詩曰保有鳧嶧遂荒徐又曰奄有龜蒙遂荒

大東 以 上兗州

石堰

金輿

晏謨齊記曰石塞堰武帝時造 述征記曰朗公金輿山

孤峰環秀 實神嶺也

華泉

歷井

左傳曰逢丑父使齊頃公下如華泉取飲 續征記曰歷

山有井無底與城西南 涌泉相通 以上齊州

郕城

費邑

左傳曰郕黎來朝杜預注曰東

海昌廬縣東北有郕城

又曰費伯

大峴

叟岡

伍

帥師城郎瑯琊費縣也後為季氏邑

之從征記曰大峴直度山二十五里澗壑洞地崖坂峭曲四截三塗不過是水經注曰小叟岡有水二源

雙會東導一川

表海

營丘

左傳曰吳季札聞歌齊之聲曰表東海者其太

以上沂州

公乎 史記曰武王封 師尚父於齊營丘也

天齊

地鏡

漢書曰齊所以為齊者以天齊

也蘇林注天中齊也 顧野王輿述志曰宋文帝時 青州城南地遠望倒影如水謂之地鏡 以上青州

龍溝 鵠壟

續述征記曰彭城水五溝到龍溝五里張華博物志曰徐君宮人生卯以為不祥

棄之水濱有犬名鵠蒼銜卵以歸遂生兒為偃王後鵠蒼臨死生角而九尾實黃龍也葬之徐里中見有狗壟

存 西楚 北陵 漢書曰項羽自立為西楚霸王都彭馬 城 晉書太康地志有北陵縣屬下

邳 以 邱閣 濠梁 西征記曰宿預城下邱之中路也其水注泗有舊魚梁莊 舊邱閣 述征記曰濠汜水分

子 遊於濠梁則此地也 白樓 朱矢 侯滔北城記曰下邳城韓

信 所都也中城呂布所守南臨白門樓 博物志曰徐偃王欲行霸上國乃溝通陳蔡之間得朱弓彤矢以

上 密 龍臺 馬耳 三齊略志曰平昌門內有臺高六州 大神龍出入於其中故名龍臺城

水經注曰馬耳山高百丈 柴阜 焦原 齊地記柴阜 上有石並舉雙脊如馬耳 阜 榛棘森

然故云柴阜邨原葬於其東尸子曰莒有焦原者廣尋五十步臨百仞之谿莒國莫敢近者有羽士見於莒

子獨却行齊踵

以上登州

聖石

僊祠

齊記曰萊山之陰有大石其中有人出處云是

古聖人從此而出

漢書曰祠九所

三山

九穴

漢書曰曲城縣有三

山齊記云九目山有九穴

呂母固

田橫島

後漢王莽末有呂母者其

子為縣宰所殺母散財以招少年共殺宰而入海中今案其固見存在東海縣北

漢書曰高祖定天下田橫

懼誅乃與從屬五百人入海居島中

僊士石

始皇碑

崔琰述征賦曰郁非山有僊士

石室乃往觀焉見一道人王隱晉書曰海中去岸百五十步有秦始皇碑濶五尺厚三尺八寸

以上海州

關內道一

原案關內道者在禹貢雍州之域

案雍州自隴而西分為隴右道

東自

同華略河而北西自岐龍原會極於北垂盡其地也京

兆府挾灃灞據函嶠

班固西都賦曰左據函谷二嶠之阻又曰挾灃灞據龍首

得百

二方千里周都鄠鎬秦都咸陽漢都長安今武功縣后

稷所封也

史記后稷封於聚是也

豳州昔公劉所居也華州

古鄭國也

鄭元詩譜曰周宣王封其弟於咸林是為鄭國

岐州秦德公初居

之所也夏州赫連氏之都也

關內道二

原四塞 八川

漢書婁敬云關中被山帶河四塞之固相如上林賦曰蕩蕩乎八川灋瀉滂

滴涇渭
灞澇

神皋

福地

西京賦曰實惟奧區神皋適中開山圖曰驪山西有阜名涼

風原雍州
之福地

金城

石柱

漢書曰關中金城千里三輔舊事曰石柱以南南屬京

扶風
北屬

細柳

長楊

漢書曰周亞夫軍細柳漢宮名有長楊宮

溫水

滄池

三秦記曰渭水橋西有溫水長安記曰建章宮有太液滄池

雞頭

鶉首

雍州記曰雞頭山在郿縣史記曰天賜秦穆公鶉首之地

漢京

秦里

西都賦曰弘我

以漢京
賦曰秦里其朔

丹水

黃山

山海經曰南山多黃丹水出焉西京賦曰繞

黃山而款牛首
以上京兆府

桃塞

柏原

左傳曰晉侯使詹嘉守桃林之塞注杜預曰今

潼關是也 水經注曰

蒲池 學市

水經注華山上靈泉名蒲池

高士傳云張指隱華山學者從之成市 以上華州

韓原 姚谷

古今地名云韓武子食采

於韓原 後漢書云姚谷屬白水

塹洛 分華

史記曰秦簡公塹洛蒲城縣東長城是也

後漢書曰孝明帝分華山都置武鄉郡 以上同州

蒲谷

水經注曰蒲谷水源

出中部縣 又曰瀦水流經柏城

丹川 烏水

又曰蒲水南自洛川縣流入丹陽川 又

曰烏川水源出汾川縣西北 以上丹州

青牛 白帝

錄異傳曰秦文公伐雍州南山文梓

樹有青牛走出澧水中 史記曰秦文公作鄜時以祭白帝

漆水 桐池

水經注曰漆水

出漆谿 又曰桐池水東北流入三交水 以上岐州

岐下 梁丘

史記曰古公亶父止

於岐下 水經注曰梁

芹川 芎水

又曰宜祿縣北

丘谷水西南注於涇

芎水流入涇

烏亭

昆壤

漢烏氏縣王莽改為烏亭

以上幽州

戎舊壤也

隴水

吳山

三秦記曰俗歌云隴頭水

以上涇州

國吳山在西

芹谷

柞亭

水經注曰芹谷水出羅川

以上隴州

汾陽縣有五柞

兔川

雞水

水經注曰兔川西南流

亭以上寧州

西流入洛

藍山

那邑

十六國春秋云赫連定登

以上慶州

邑也

白水

蒲川

水經注曰白水源出汾水嶺

上原州

入坊州

神泉障

龍尾谿

又曰龍尾水出神泉

上鄜州

上延州

淶蓮池

青鹽澤

十六國春秋云赫連勃勃田於三交至淶池而還漢書

曰朔方郡青鹽澤在南

典農城

懷渾障

水經注云河水經典農城又東北經懷渾

障以
上靈州

濛水

鷄山

又云朔方縣有濛水紫河續漢書曰將軍竇憲出鷄鹿山

以上
勝州

河東道一

原案河東道者禹貢冀州之域也舜置十二州分冀州為幽州并州今河東道即并冀兩州之地西南距河北盡朔垂悉其地河東本堯之所都周成王封其弟叔

虞其子燹是為晉侯及三家分晉自蒲州略河東至懷

州屬魏

懷州今屬河北道

自澤潞而南至衛州盡太原府已北

屬趙

太原府昔高辛氏子實沈及金天氏子臺駘之

所居也又為唐國帝堯為唐侯所都

鄭元詩譜曰唐者帝堯舊都地後徙

平陽

蒲州帝舜所都

太康地記云舜都安邑是也

絳州晉獻公遷

都之地

河東道二

原堯墟

禹跡

鄭玄詩譜曰成王封母弟叔虞於堯之故墟皇甫謐帝王世紀曰禹自安邑

都晉陽曾孫帝相遼帝丘子少

太夏

中都

春秋地名云晉

太康一名太夏後魏書曰中都屬太原郡

六名

五尉

春秋地名云晉太鹵太原太夏

太墟晉陽太康六名其實一也

晉太康地志曰并州部太原六部又有護匈奴中郎左部右部中部南部北

部五都尉

蒿垣

葦澤

春秋後語云張孟談謂趙襄子曰臣聞董安于之在晉陽公宮之垣

皆荻蒿後魏書云石艾縣有葦澤

潛丘

渦水

爾雅曰晉有潛丘郭璞注云在太原晉陽

縣水經注曰洞渦水出平樂縣西北

祁墓

介祠

後漢書云晉陽有祁奚墓又曰晉

陽有介子推祠以上并州

凍水

滌山

水經注云凍川水在桑泉縣界晉地道記曰

雷首山一名滌山

白亭

虞坂

左傳曰公子重耳取白亭杜預注曰河東解縣有白亭

欽定四庫全書

卷三百三十五

戰國策曰騏驎駕鹽車上虞坂今安邑縣界以上蒲州

玉壁

天井

後魏大統四年東道

行臺王思政表築玉壁城今在後山縣水經注曰天井水經堯城西流入汾水

棗澗

桐

鄉

水經注曰乾棗澗水北出入石人嶺下南流俗謂扶蘇水漢書武帝將幸緄氏至左邑桐鄉在聞喜縣

界上絳州

千畝

五城

左傳曰晉穆侯以絳之役生太子命之曰仇其弟以千畝之戰

生命之曰成師後魏書云晉州領五城郡是也

襄陵

狐谷

後漢襄陵屬河東郡水

經注曰平河水出晉陽縣西壺口山東經狐谷亭以上晉州

漳川

冀浸

周禮曰冀州其

川曰漳鄭元注云出長安十三州志曰潞水出潞縣冀州之浸

赤壤

黃山

上黨記曰

高平赤壤其地阻險百姓不居與圖曰黃山在壺關縣東

後魏潞州

舜澤

晉山

墨子曰舜漁於雷澤在蘆澤縣西後魏與圖
曰司馬山在晉城縣北晉代祠此山因為名

孟門

午臺

左傳曰齊侯伐晉入孟門登太行水經
注曰午臺亭在晉城縣界以上澤州

石

室

鐵騎

後魏與圖風土記曰太原郡山有石室方丈
四壁文字篆書人不能識十六國春秋曰

石勒當生之時此山
上草木變為鐵騎形

青谷

黃巖

水經注曰清水源
出武鄉縣西名青

谷水又曰黃巖水源出遼
山縣西黃岡下以上宜州

漚澤

汾關

呂氏春秋
曰大昭又

名漚澤水經注曰鵲雀津汾關
名也介休之西南俗謂之雀鼠谷

八門

六壁

十六國春

秋云劉元海遣將攻西河城築營自固有八門城高九
尺後魏書曰太武帝討胡賊於六壁城有六面因以

為名以
上汾州

紫川

黃谷

水經注曰紫川水源出隰川
縣東紫谷也黃壚水出隰川

縣東北黃櫨谷

以上隰州

夏屋 僊都

史記曰趙襄子北登夏屋誘代王徐廣注云夏

屋山名水經注曰晉永嘉中雁門百姓避亂入五臺山見僊人為之先驅因而不返尋訪莫知所在俗人以

是山為僊都

以上代州

三會 九原

水經注曰三會水東流入溥沱水在定襄縣界又

曰三會水出九原縣西其山經九原城

靈丘 聖阜

後魏書曰天平二年置恒州寄居秀

容縣城領靈丘等八縣水經注曰溥沱水東流聖人阜北阜下有水泉側石上有手跡西又有二腳跡以

上忻

葦州

梅嶺

十三州記曰代郡故城盧植說初置築時方就板幹夜自移西南五

十里大澤中自設結葦為九門於是就以為城周旋七里今案在飛狐縣界土地記曰鹵地東州四十八里

有梅嶺焉

萊水

筭山

周禮曰萊州萊水鄭元注萊水出廣昌史記曰趙襄子姊為代王

夫人襄子殺代王遂興兵平代地其姪聞之泣而呼天磨筭自殺代人情之號所死山為磨筭山今案在飛狐

縣界以

如渾水

紇真山

水經注曰如渾水水經方山又曰紇真山夏

上蔚州

積雪鳥雀死者一日千數

熒臺

火井

又曰火山似火從地中出故名熒臺又曰火山上

有火井

壺山

風穴

漢書曰壺口山在北屋縣故城西南水經注曰北屋縣故城西北

以上嵐州

十里有風山其山有穴如輪風氣蕭瑟常不止以上朔州

永石

單于

晉太康地記曰

西河國惠帝末陷於劉元海至石勒時置永石郡後魏改為離石郡十六國春秋云離石單于所徙之庭

以上石州

河北道一

原案河北道者即禹貢冀州之域舜置十二州分冀州

為幽州并州分青州為營州而幽冀營等三州及兗州

之北界今並為河北道南距河東至海北盡幽營悉其

地河北本殷之舊都

在衛州

周滅殷分其甸內為三國邶

鄘衛是也至衛懿公為狄所滅其地屬晉趙韓魏三家

分晉而懷屬魏

漢書地理志云魏分晉得河內即今懷州也

自衛相洛趙貝

冀北盡恒山東至海其地屬趙幽平已北東至海屬燕

洺州邯鄲為趙國

史記趙敬侯所都

相州為鄴魏武帝後趙石

季龍前燕慕容儁自薊徙北齊文宣帝並都之

幽州曰燕名公

之所封也營州前燕慕容皝都之

河北道二

原分晉

接燕

漢書曰趙分晉有信都鉅鹿清河盧毓冀州論曰冀州北接燕代

南

宮

北部

漢書曰南宮縣屬信都國州北部以月朝作食為腰祭

許慎說文曰冀州

三臺

九殿

陸翽鄴中記曰魏武於鄴城西北立三臺中臺名銅雀臺南名金獸臺北名冰

井臺

又曰石季龍自襄國至鄴二百里輒立一宮宮

有一夫人侍婢數十凡季龍所起內外大小殿九臺觀

行宮四

紫陌

赤橋

水經注曰滏陽縣有紫陌浮圖十

十四所

鄴城東七里有赤橋之宮 以上相州

軹縣

苑鄉

史記曰秦昭襄伐魏取軹縣 水經

注曰丹水經苑鄉之城

平津

陸阜

晉陽秋曰造河橋于富平津即河陽津也 水經注

曰陸津阜南有皇母馬鳴二泉東南合注於吳陂 以上懷州

商墟

虞險

史記曰成王伐

管叔以殷餘人封康叔為衛君居故商墟也 北征道里簿曰巉頭城故虞國之險湛水流其後清水流其前

蘇嶺

錫盆

十道志曰蘇門山一名蘇嶺孫登所隱處也 又曰錫盆水一名盆泉源出縣

西北三十里彎屈似盆其味如醴因以為名 以上衛州

鷄澤

狗山

左傳襄公三年六月

會單頃公及諸侯同盟於鷄澤

水經

塘泉

研冢

注曰狗山頂上有狗跡今在臨洛縣西 水經注曰洛水東北流經廣平縣故城東水積於大澤之中為登泉南北四十里東西二十里亦謂之黃塘泉

冢 鄴中記曰邯鄲城西南十里子岡上有

斤丘 平

邑

續漢書曰斥丘縣屬魏郡 竹書曰晉烈公八年趙城平邑今在昌樂縣東北

沙鹿 石

臺

左傳云沙鹿崩杜預注云晉地也元城東南有沙鹿山 水經注曰武陽縣城有一石臺大城門外又有

故臺 號曰武陽臺 以上魏州

蓼水

蘇亭

水經注曰蓼水出襄國漢書曰襄國有蘇人

亭

百巖 千步

洛州記曰龍岡縣西北有百巖山水經注曰洛水一名漳水俗名千步

邢州 以上

柏亭

槐水

水經注曰洛水東經柏陽亭今按柏暢亭故城在房子縣西

又曰槐水出黃石山今在元氏縣界

石柱

珪碑

水經注曰平房城南門夾道有兩石柱翼

路若闕焉 又曰漢明帝北迴詔高邑於光武即位所建石壇立珪頭碑 以上趙州

善陸

清河

漢書曰郿縣漢清河郡王莽曰善陸
晉地道記曰清河國凡領清河等六縣

胥陸

甘泉

漢書曰東陽縣屬清河郡王莽曰胥陸
州志曰歷城本周之甘泉西地以上真州 十二

重丘

浮水

左傳曰諸侯同盟于重丘今在聊城縣東
南水經注云浮水出聊城東北泛則津

注耗則輟流

堂邑

靈城

漢高祖封陳嬰為堂邑侯又
靈城屬清河郡以上博州

胥國

宛鄉

漢武帝封河間獻王子讓為胥侯水
經注云浮水東北經高城縣之宛鄉城

今在鹽城縣界

千童

百薄

應劭注漢書曰千童縣靈帝改
曰饒安水經注曰瀉河東北

經富平故北城分為二水南水為長聚溝東
注海北水為百薄溝東北注海以上滄州

馬頰河

龍額縣

爾雅云九河名有馬頰上廣下狹
狀如馬頰漢平原郡領龍額縣

管輅冢

曼倩祠

魏志曰平原縣有管輅冢
安德縣有東方朔祠
以上德州漢書

新館

輿亭

漢武帝封中山靖王子未央為新館侯
續漢書曰北新縣東二十里有樊輿亭

樊城

柏國

漢書曰武帝封中山靖王子為樊輿侯故城在
清苑縣東南又曰武帝時趙敬肅王子然吉

為柏陵侯今清苑縣南有
侯國故城以上瀛州

僊巖

天井

晉太康地記
曰行唐縣西

北有僊人巖
水經注
曰派水歷天井澤雨

馬觀

鴻關

水經注曰黑水
東北有谿中山

王故宮處簡文造釣臺戲馬之觀
又曰定水東流歷
山俗謂是處為戲頭即晉書所謂鴻上關
以上定州

輪井核山

水經注曰行唐城有大井若輪水沸
騰不測又曰派水北流經大核山

夫城女廟

晉太康地記云行唐縣北二十里有如夫
城水經注曰行唐城北門側有玉女神

廟廟前碑云趙武靈王營斯邑城彌載不立
聖女發歎百堵皆興不日而就

以上恒州

寧臺

歷室

史記曰燕昭王伐齊得寶器設祭於寧臺戰國
策曰樂毅與燕惠王書曰大呂陳于元英故丘反

於歷室並
薊州界

仲理金

伯雍壁

神僊傳曰仲理居元終
山中含神丹作黃金五

千斤以救百姓搜神記曰楊伯雍汲水作義漿有一
人就飲以石遺之伯雍種遂生白璧其處地可一項名

曰玉田
以上幽州

桑谷

芻谿

水經注曰三城水經伏陵山
南與石門水合有桑谷之名

蓋沿出桑谿故也
水東南流龍芻谿水注之

又鮑丘

三城

七渡

水經注曰
鮑丘水南

流合三城水
故城南合七渡水

又曰水經漁陽
以上檀州

阪泉

轡野

史記曰
軒轅及

炎帝戰於阪泉之野周書曰蚩尤逐二帝爭涿鹿之
野赤帝大懼乃說黃帝執蚩尤殺之於中冀名曰絕轡

野

覆釜裂溝

後魏輿圖風土記曰潘城西北三里
有歷山形似覆釜因以為名水經

注曰傳言昔時地裂遂成溝壑有水俗謂之
分家水今懷戎縣東北有地裂以上媯州

劍石

刀巖

水經注曰徐州東北經郎山西衆崖競舉若鳥翅
立石巖巖似劍又曰漆水南經藏刀山層巖壁

立直上

窮魚丘

巨馬水

竹書曰晉荀瑶伐中山窮
魚之丘水經注曰巨馬

干霄

即漆水
以上易州

素河

黃洛

水經注曰素河水出今皮縣
藍山又曰黃洛水出盧龍

山

元水

藍山

水經注曰元水出肥如縣元谿後
魏輿圖風土記曰盧縣西三十九里

有藍山
以上平州

長谷

平川

十六國春秋曰馮跋弟弘為
亂而跋驚死弘葬之長谷陵

水經注曰高平
川水出西北平川

狼河

龍苑

魏氏土地記曰狼河
附黃龍城東北下

十六國春秋云慕容熙光始三年
築龍騰苑起景雲臺 以上營州

隴右道一

原按隴右道者禹貢為雍州之域

雍州自岐隴已北為關內道自隴而南并

得禹貢梁州之北地為隴右道

自隴而西盡其地也

秦州有秦亭秦

之先非子為周孝王養馬於汧渭之間孝王封之附庸

邑於秦也

涼州漢武威郡故匈奴休屠王地也前涼

張軌後涼呂光北涼沮渠蒙遜並都之 甘州漢張掖

郡故匈奴昆邪王地也西秦乞伏乾歸都之子熾盤徙

都於河州 肅州漢酒泉郡前涼張軌西涼李暠北涼

沮渠蒙遜並都之 西州漢車師國之高昌壁也 昔漢武遣

兵西討師旅頓弊其中尤困者因住焉其地形高尚人物昌盛因名高昌也

隴右道二

原天水 神泉 漢書曰天水郡武帝時置水經注曰渭水東南與神泉合也 黑城

朱圉 鄜道元水經注曰黑水出黑城北西南經黑城西抵渭川又曰尚書西傾朱圉鳥鼠至於太

華以 艾亭 荊谷 漢書曰騎都尉居窰艾亭水經注曰荊頭川水荊谷北流注

渭川 鷄聚 馬谿 漢書曰襄武縣有五鷄聚水經注曰渭水東南流經首陽縣南左則天

馬谿水參差翼注以上渭州

百頃四山

沙州記曰仇池三號百頃上有百頃池壁立百

仞一人守道萬夫莫向襲位分四山氏羗為二十部沈約宋書曰楊盛

馬氏

狼種

應劭注漢書曰武都郡故白馬羗氏漢書曰參狼種武都羗是也以上武州

臨洮

望曲

漢書曰臨洮縣屬隴西郡水東流經甘根亭歷望曲

水經注曰洮以上岷州

洮

水

墊江

沙州記曰洮水出強臺山即洮水源山南即墊江源

又曰山東以上洮州

積

石

銷銅

尚書曰導河自積石注曰離水北經銷銅城西水經

榆城

麻壘

水經注曰離水東北經榆城谿水注之曰枹罕城西有麻壘壘中可容萬衆

秦州記以上河州

鶩

崖

鹿塞

仇池記曰武興城下有鶩子崖州記曰鹿塞在蒼松縣南十里是也

龜

觀

鳥城

十六國春秋曰前涼張元靚時右將軍宋熙請取天龜觀壞以為宅西河記曰姑臧甸

奴故曰蓋藏城也城不方有頭尾兩翅名蓋鳥城以上涼州

柳谷

蘭池

習鑿齒漢魏春

秋

曰大柳谷夜激波滿溢其聲如雷王隱晉書曰蘭池縣屬隴西郡

合黎

臨澤

尚書

曰導弱水至於合黎十三州記曰昭武蘇有臨澤亭在其東以上甘州

狄道

夷鎮

漢書曰狄道縣屬隴西郡周地圖記曰臨洮郡城後魏大和中築置夷城鎮防羌要路以上蘭州

漆水

金泉

張華博物志曰延壽縣南山石泉注為溝其水有脂挹取若著器中正黑如不凝膏

然之極明但不可食此方人謂之石漆應劭漢官義曰酒泉城下有金泉味若酒

酒泉

脂

水

漢書曰酒泉郡武帝太初元年開博物志曰酒泉延壽縣南山泉其水有脂如煮肉炙以上肅州

鷄谷 龍城

水經注曰：湟水東流，鷄谷水北流，注之。又曰：湟水出塞外，輕藍池北，又東南。

經龍

白土川

卑禾海

水經注曰：白土川水出，白土城西北下。十三州記曰：臨

夷城

羌縣西有卑禾海，謂之青海。以上鄯州。

効穀

宜禾

漢書曰：効穀縣屬煖煌郡。晉太康

地記曰：宜禾縣屬煖煌郡。

龍堆

魚澤

漢書曰：煖煌正西，關外有白龍堆。十三州志曰：効

穀縣故魚澤障。以上沙州。

天山 帝江

漢書曰：使貳師將軍出酒泉，擊左賢王於天山。

山海經曰：天山多金玉，有神鳥狀如黃囊，赤如火，六足四翼，渾無面目，是識歌舞，實惟帝江。

地

膏腴

田沃衍

後漢書曰：順帝時，以伊吾舊膏腴地，傍近西域，復令開設屯田，置伊吾司馬一

人。西河舊事曰：繞蒲海肥美。良田水草沃衍。以上伊州。

車師國

田地縣

漢書

曰車師前王國居交河城地輿志
曰晉咸和二年置高昌郡立田地縣

交河城 高昌

壁

漢書曰交河城有交河水分流繞城下
十三州志曰高昌壁故屬燉煌有長谷在東都尉居之
以上

州西

隴右道三

原歌後魏溫子昇涼州樂歌曰遠遊武威郡遙望姑臧
城車馬相交錯歌吹日縱橫 又歌曰路出玉門關城
接龍城坂但事絃歌樂誰道山川遠

山南道一

原案山南道者禹貢荆梁二州之域也

今案荆州之南界屬江南道東

界入淮南道梁州自劔閣而南北距荆華二山之陽絕為劔南道其北垂又入隴右道

漢水而南至江西距劔閣盡其地也 荆州楚文王始

都之

江陵記曰楚文王始自丹陽徙都於郢今城北城南是也

褒州古褒國也是

為媯墟

案水經注曰漢水東經媯墟在金牛縣界皇甫謐國都城記曰褒城故城在縣東二百步

襄州禹貢荆豫二州之界 鄧州後漢之南都也光武

起焉

山南道二

原南荆

西楚

自淮北沛陳汝南南郡為西楚

史記曰

雲澤

景洲

春秋文耀鉤曰大別以東至雲澤九江衡山荆

吳志曰魏將夏侯尚圍

南郡作浮橋度量景洲今在江陵縣界以上荆州

南峴

北津

荆州記曰襄陽本楚之下

邑桓谿帶其西峴山亘其南齒襄陽記曰襄城本楚國之北津

習鑿

習池

葛井

襄陽

記曰峴山南八百步西下道北步有習家魚池梁州記曰諸葛亮宅有井深四丈餘口廣一尺五寸累甃如

初以

厲鄉

春邑

左傳曰楚伐齊齊師伐厲以救之杜預注曰隨縣北有厲鄉

漢帝曰元帝以春陵卑濕割蔡際之白水二鄉為春陵侯邑

隨國

唐鄉

左傳曰關伯比

言於楚子曰漢東之國隨為大杜預注曰隨國今義陽隨縣是也又曰晉楚戰於邲唐侯為左拒杜預注曰

唐屬楚小國義陽安昌縣東
南上唐鄉是也

以上隨州

馬水

鼉湖

南雍州記
曰龍居縣

南有馬水
東二十里有鼉湖

荆州記曰沔陽縣
以上復州

獸牙

狼尾

川宜都山
記曰

獸牙山有石壁其文黃赤色有牙齒形
曰縣去山四十里別從狼尾灘下南崖

句將山記
以上峽州

黃龍

白帝

荆州記曰峽之首北岸曰白鹽峰中黃龍
灘水沿沂所忌水經注曰白帝山北接

緣馬嶺南
接赤甲山

九坂

三谿

荆州記曰寒山九坂最為峭
險又曰三谿水南流數里

南注大江
以上夔州

涪陵

陽關

漢書曰巴郡領涪陵縣
晉太康地記曰李雄亂復

於陽關更置墊江縣亦屬
巴郡案今州即古巴郡

明月峽

縉雲山

華陽國
志曰巴

郡江州有明月峽峽首南峯石壁有圓孔形如明月因
以為名縉雲山相傳云黃帝於上合神丹藥故山得

名焉 以
上渝州

龍蹊牛道

道家雜記曰張魯女曾浣衣於山下有白霧蒙身遂孕恥

之自縊臨死謂婢曰死後破吾腹婢依其言破得龍子一雙遂入漢水女殯於山頂龍子後數遊母墓前遂成

蹊徑 十三州志曰秦王未知蜀道乃刻石牛五頭置

金於尾下言此天牛能糞金蜀人信之乃令五丁共引

牛成道今在

讓水

廉川

梁州記曰梁西南十里有讓水水經注曰廉水出

褒城縣界

巴嶺山北流廉川今在

駱谷

龍亭

水經注曰路谷水源出駱谷南

南鄭縣界

以上梁州

流 梁州記曰龍城縣

屬儻城郡

以上洋州

黃花川

紫柏坂

水經注曰大散水西

流入黃花川

華陽國志曰梁泉縣

東八十里有紫柏坂

以上鳳州

武關

文邑

史記

曰秦昭王遣楚懷王書曰願與君會武關面約結盟今

在商洛縣界

水經注曰洛水東北過文邑在洛南縣

商州以上

金水

錫山

漢水記曰金水郡領金岡縣本金城郡後魏改之梁州記曰

後魏華陽金城二郡為忠城郡領鄉亭錫城金川三縣

虞舜祠

漢高廟

水經注曰

西城縣故城內有虞舜祠陽縣南山下有漢高帝廟

梁州記曰洵以上金州

梅谿

棘

水

南雍州記曰南陽縣七里有梅谿水經注曰棘水經新野縣歷黃郛聚

五壘

六門

周地圖記曰五壘山有五梁漢延相接曰六門堰西三里瀧湍邵信臣所作也以上鄧州

熊川

龍井

南荊州記曰豐利郡領豐利熊川陽川三縣水經注曰漢水又東為龍潭下臨龍井渚以

上均

景山

粉水

山海經曰荆山之首曰景山其上多金玉水經注曰粉水導東流

經上

雁塞

狼山

荊州圖副記曰雁浮山雁塞也水經注曰夷水導源狼山以上

房州 鳴水 泉街 後魏書曰落叢郡武都鳴水二縣屬東益州 水經注曰泉街水出河池

東南入沮縣 以上興州 金谿 銅水 梁州記曰益昌縣東山西北有金銅谿谿出金因以

為名 益州記曰葭萌縣南十里有 銅梁 石戶 左

刀鑲山赤銅水出焉 以上利州 蜀都賦曰外負銅梁宕渠 益州記曰龍盤山南有石

長三十丈高五丈當中有人及靡若人掩閉古老以為 玉女房 以上合州

劔南道一

原劔南道者圖經曰禹貢梁州之域也自劔閣而南分

為益州是為劔南道 梁州劔閣之東而分屬山南隴右二道 其始王則有

蠶叢杜宇後其地屬秦前漢末公孫述居之後漢末劉備居之

劍南道二

原蠶叢

杜宇

並見
敘事

石鏡

銅梁

蜀王妃卒葬以石鏡表墓詳益州

下詳山南道
以上益州

銀水

金山

華陽國志曰涪陵有屏山水其源有銀鑛益州記

曰金山東臨澗水光
照映川以上綿州

飛梁

絕澗

華陽國志曰諸葛亮相蜀鑿石架空

為飛梁閣道即古劍閣道也
魏會故壘其山峭壁千尺下臨絕澗

益州記曰姜維抗
以上劍州

南

池
西水

益州記曰南池在閬中縣東南八里又
西水縣本秦閬中縣之地以上閬州

鄆道

射洪

蜀志曰姜維等聞諸葛瞻破乃引軍由廣漢鄆道以審虛實水經注曰涪江水又

東南至射洪今在射洪縣界以上梓州

龍鶴山

魚蛇水

華陽國志曰丹陽縣西北

十五里有龍鶴山益州記曰魚蛇水東北自陵州界入青神縣介以上晉州

隅山陵

井

益州記曰東隅西隅南隅三山相對又曰三隅山去陵井一里以上陵州

金堂水

銅宮山

華陽國志曰新都縣有金堂山水通於巴漢益州記曰五城縣西南六十里有銅宮山高出

衆峰

以

昆井

郵谿

益州記曰南充縣西南六十里有昆井鹽井又曰雞郵

上簡州

神在相如縣東次北下步有雞郵谿因此而為名以上果州

錦山

綿水

華陽國志曰合

江北有綾錦山水經注曰綿水至江陽縣方山下入江謂之綿口以上瀘州

邛水

鄧

山

山海經曰峽山邛水出焉其陽多黃金漢書云文帝賜鄧通邛道銅山得擅鑄錢以上雅州

溫穴

曲池

華陽國志曰溫水穴冬夏常熱應劭注漢書云蘇初縣西北有泥池案今曲池是

也以上

伏犀灘

騰龍水

益州記曰伏犀灘東南六十里有黃魚像岸今在楚

道縣界又曰龍騰谿水源出南谿縣以上戎州

淮南道一

原淮南道者在禹貢為揚州之域又得荊州之東界

今

揚州之東偏為江南道南偏為嶺南道

自淮以南略江而西盡其地也今

揚州漢廣陵郡更名江都吳王濞居之廣陵厲王江都

易王並居之 廬州古廬子國烈王都之南巢之地尚書

曰成湯放桀於南巢

壽州楚考烈王都之

淮南道二

原南究 東陽

輿地志曰高究州宋文帝元嘉八年始割江淮間為境居於廣陵又曰廣陵

郡楚漢之際為東陽郡

釣臺

輿浦

西征記曰雷陂有臺高二丈南究州記曰以為吳王

淠之釣臺也一朝清澈太守范邈表以為瑞

南究州記曰輿浦朝夕恒濁以上揚州

射陂

鹽漬

漢書曰廣陵王相勝之奏奪王射陂草田賦與貧人又曰鹽漬屬臨淮郡以上楚州

豐

浦

苞湖

水經注曰江水北合烏江縣之豐浦上通湖池又曰次得陰塘水同受皇后湖湖水連

接苞湖西翼潭湖

橫津

洞浦

吳志曰孫堅經略江東揚州刺史劉繇遣將樊熊于廉屯

橫津築擊破之

魏志曰魏使曹休張遼伐吳出洞口

鄴道元注水經曰江上左對洞口江浦

以上和州

禹聚

秦墟

帝王世紀曰禹會塗山揚州之域當塗縣有禹聚

水經注曰洛澗北歷秦墟

下注

鵲甫亭

馬丘聚

水經注曰揚州之域西北流經鵲甫亭南續漢書云當

塗有馬丘聚徐鳳反於此以上濠州

廬國

舒城

應劭注漢書曰廬江郡故廬子國

又曰廬江大縣東有舒城

桐鄉

巢邑

漢書曰朱邑為桐鄉嗇夫廉平有恩惠病且死囑其

子曰桐鄉人愛我必葬我於桐鄉為疆城巢與地志曰楚名曰巢邑

左傳曰楚以上廬州

趙屯

城

周瑜廟

水經注曰破虜磯東有趙屯城內有倉又曰江水對雷州之北側有周瑜廟

以

上舒

鑊里

鼓川

吳志曰吳使孫綝大發卒屯鑊里水經注曰泚水東北右會踏鼓

水川

洞臺

隱室

黃庭經注曰霍山下有洞臺方二百里有二門其中有五香芝飛華之寶

山有隱室石井

羊頭澗

龍泉陂

水經注曰肥水左合羊頭谿水

受芍陂謂之羊頭澗

伏滔正淮論曰彼壽陽者視龍泉之良疇萬頃以上壽州

翻車

積

布

史記曰九江王英布於翻車水北以築翻車城水經注曰江水又東經積布山南俗謂之積布磯

黃石

青林

水經注曰江之右岸有黃石山江水經由其北即黃石之磯又曰江水左得青林

口水積為湖謂之青林湖以上蘄州

蓼縣

蔣城

左傳曰楚公子燮滅蓼杜預注曰安

豐有蓼縣

又曰凡將那茅昨祭周公之廟也杜預注曰弋陽期思縣蔣鄉城是也

弦子都

虞丘郭

左傳曰楚人伐弦弦子奔黃十三州志曰穀城古弦子都也水經注曰弋陽郡東有虞丘郭

南有伍子胥

石城

天井

水經注曰師水經石城山山甚高峻又曰義陽郡

廟並光州

南十五步對門有

九塞

三關

淮南子曰何謂九塞大汾冥阮荆苑方城

天井周百餘步

豪阪井陘今疵句注居庸也

齊志曰後魏置平靖關

於義陽故云義陽有三關之塞此其一焉

以上申州

楚邑

新城

漢水記曰自漢口入二百里得涓口有村入三百里得鄭城楚邑也輿地志

安陸縣東有新城桓溫征石季

龜頭山

龍驤水

龍所築南臨涓水

以上安州

水經注曰舉水出龜頭山又曰江之左岸會龍驤水口

沌陽鎮

象山城

水經注曰

晉永嘉六年王敦以陶侃為荊州鎮於沌陽輿地志曰臨江數十里象山上有城吳江夏太守所居也以

州上沔

江南道一

原按江南道者即禹貢揚州之域又得荊州之南界

揚州

自江已北為淮南道自嶺而南為嶺南道北距江東際海南至嶺盡其地也

蘇州為吳泰伯之墟

地理志曰吳地斗之分野

泰伯卒仲雍立傳

國至曾孫周章武王克殷因而封之也越州為越夏

少康封少子無餘以奉禹祠

地理志曰越地牽牛婺女之分野

潤州

春秋之朱方江寧縣楚之金陵邑也吳晉宋齊梁陳六

代都之

江南道二

原東府 西州

山譙之丹陽記曰東府城地則晉簡文為會稽王時第東則丞相會稽王道子

府道子領揚州故俗稱東府又曰揚州

孫陵 蔣

廟 丹陽記曰蔣陵因山以為名吳大帝陵也輿地志曰臺當孫陵曲衍之旁故蔣陵亭亦名孫陵亭又曰

蔣子文為林陵尉常自言已將死當為神後為賊所殺故吏忽見子文乘白馬如平生孫權發使封子文而為

都中侯立廟鍾山因改 為蔣山 以上潤州 扈瀆 鹽田 吳都記曰松江東瀆海口名曰

扈瀆輿地志曰扈業者濱海漁捕之名插竹列於海中以繩編之向岸張兩翼潮上即沒潮落即出魚隨潮礙

竹不得去名之曰扈 又曰海濱廣斥
鹽田相望吳賁海為鹽即鹽官縣境也

包山 于隧

元中記曰吳西具區澤中有包山有洞庭室 戰國策
曰越王散卒三千檣夫差於于隧吳縣西北有地名于

隧是也
以上蘇州

橫山 長瀆

左傳曰楚子重伐吳克鳩茲
於橫山注曰在烏程南橫古

衙宇通用

吳興記曰河

口出東濱大谿西帶長瀆

若下

嵎中

吳錄云長城
若下酒有若

谿南曰上若北曰下若並有村村人取若下水以釀酒
醇美勝雲陽 吳興記曰風渚南三十里曰嵎中即嵎

山也 以
上湖州

西部 東安

漢書曰錢塘西部都尉居之
吳志曰黃武五年丹陽會

稽吳都山寇攻沒諸縣乃分三
郡之要害地置東安郡居富春

樹呼龜

人化鶴

日孫權時獲一大龜持獻吳王夜宿越里繫船於大桑
樹樹呼龜曰元緒奚事爾耶龜曰行不擇日今方見烹

雖然盡南方之柴不能漬我
幽明錄曰孫鍾以種瓜
為業有二少年詣鍾乞瓜曰
此山下善可作冢當為定

墓鍾隨下山二十步二人志
化成白鶴
飛入空中即孫賢所葬地
以上杭州

橫峴 長塘

風土記曰岬山多縱石而
有大橫峴以
承衆流
輿地志曰洮湖即長塘湖

蒼蛟谿 白

獺穴

孔氏志怪云義興有白額
獸谿渚長橋有蒼蛟井
周處為三害
周處風土記曰長橋下有白獺若

將有兵獺出穴口四望而
嗥舊言有神
以上常州

慈姥

舒姑

丹陽記曰江
寧南有慈母

山積石臨江生蕭管竹俗呼
為鼓吹山江寧謂之慈姥
山在當塗縣北
宣城記曰登蓋山百步有泉
昔有舒

氏女與父析薪於此山忽坐
泉處牽挽不動
父遽告家比來惟見清泉湛
然因名舒姑泉

鼃洲

牛渚

江記曰江中有鼃洲長三里
與蕪湖洲相接
續漢書曰秣陵南有牛渚
以上宣州

玉

山石蓋

郭璞注山海經曰玉山浙江水出其邊與地志曰歙縣靈山甚高峻有圓石高數十丈

有石

二礫

三姑

與地志曰黟縣南有五硯二礫兩邊皆壇石中央有溝裁五尺許水

甚懸迅礫音歷硯下根反又曰黟縣東有靈山山有三峰名為三姑山三年一遇野火自燒百姓放火輒降

雨不然以上歙州

賀齊城

嚴陵瀨

吳志曰吳大帝使賀齊擊黟歙山賊定新立都

郡輿地志曰郡城賀齊所創也東觀漢記曰嚴光字子陵隱於富春後人名其釣處為嚴陵瀨以上睦州

銅釜

石甌

異苑曰吳時軍士五百人破湖得銅釜發之水便暴出即五百人湖也東陽

記曰崑崙山頂有一孤石可高三千丈其形似甌人謂之石甌以上婺州

蓮鑊

梅池

鄱陽記曰弋陽嶺上多密巖宋元嘉中有人見其巖內三鐵鑊鑊各容百斛中生蓮華他日往尋不知所在

宋永初山川記曰
廣陵縣東有梅池

夫岡 子石

鄱陽記曰鄱陽西有
望夫岡昔縣人陳明

與梅氏為姻未成而妖魅詐迎婦去明詣卜者決云西
北行五十里求之明如言見一大穴深遠無底以繩懸
入致得其婦乃令婦先出而明所將鄰人秦文遂不取
明其妻乃自誓執志登此岡首而望其夫因以名焉
又曰九子石在弋陽水左岸間相
去數十步石形似印以上饒州

石帆

玉筍

會稽
志曰

射的北有石帆壁立臨水漫石宜山遙望
茫茫有似張帆又名玉筍山又曰石簣山

鏡水

銅

谿輿地志曰山陰南湖縈帶郊郭白水翠巖互相映發
若鏡若圖故王逸少云山陰上路行如在鏡中遊

會稽志曰昔歐冶子濶若耶之谿而出
銅破赤堇之山而出錫以上越州

丹洞

赤城

登真隱訣云赤城山下有丹洞在三十六洞天數其
山足丹 名山略記云赤城山一名燒山東卿司命君

所居洞周廻三百里
上有玉清平天

金庭

玉室

道書曰天台山其上八重視之如一中有

金庭不死之鄉
臨海多有金堂玉室仙人芝草

許邁與王逸少書曰自山至以上台州

東甌

西隗

漢書曰惠帝立閼君搖為東海王都甌
永嘉記曰西隗山東接安固西接松陽

矛

峴

劍峰

永嘉記曰廬嶼有廬隈又有矛峴去廬隈二十五里與地志曰樓石山三石並高百丈

杪

如劍峰以上括州

彭澤

淺源

漢書曰彭澤縣屬豫章郡
彭蠡澤在西尚書曰過

九江至於敷淺源

廬山

盆水

廬山記曰匡俗出於周威王時生而神靈隱淪潛景廬於

此山俗稱廬君故山取號焉
山因以為名帶山雙流而右灌潯陽東北流入江以

潯陽記曰盆水出青盆

上江州

銅精

劍窟

豫章記曰西山周廻三百里此山時有夜光遠望如火氣與地志曰

此為銅之精光也 又曰豐城縣獄後有雷孔章掘神劍窟方七八丈

然石 熟泉 宋

初山川記曰建城縣西有羊山有然石色黃白而理疎以水灌之便熱可煮物故謂之然石 又曰皮縣有熟

泉如湯以生物投之須臾爛熟 以上洪州

茨野 落亭

安城記曰昔豫章太守賈萌與

安城侯張普爭境戰於新茨之野即茲地也 又曰郡渚江川發源同會落亭石上有芝草下有紫磨金

山都 木客

異物志曰廬陵大山之間有山都似人裸身見人便走自有男女可長四五尺能叢

相喚常在幽昧之中似魑魅鬼物 又曰廬陵有木客鳥大如鵲千百為羣不與眾鳥相馴云是木客所化

以上 金鷄 石雁 南康記曰雩都縣有金鷄石傍有穴宋永初中見金鷄棲翔此穴頗

時飛鳴 又曰覆笥山平湖中有石雁浮在水每至炎氣代序則飛翔若知感候

松闕 梓

潭

與地志曰歸美山有石城高數丈有二石夾左右石形似松儼如雙闕南康記曰梓潭昔有梓樹巨圍

葉廣大餘垂柯數畝吳王伐樹作船使童男女挽之船自飛下水童女皆溺死至今潭中時有歌唱之音以

上度

甘渚

蜜巖

臨川記曰東興人家曾以木甑沈井中乃流出達樊谿甘渚得之此

泉穴相通也又曰五章山絕巖險峭有蜜蜂依之為房其形如笠望者皆懸磴數丈然後得至其所

石人

楓鬼

臨川記曰虛谷東英巨山巖內有石人坐盤石上體上塵穢則與風濕潤則致雨晴

日便舉體鮮潔朗然玉淨又曰麻姑山上人登之有物人形眼鼻口面無臂脚俗名之楓子鬼也以上撫

米砂

雪壁

安城記曰鍾山臨水阻峽春夏則湍洑沸涌漬上白砂如米兩岸各十餘

斛呼曰米砂以之候歲若一岸偏饒則其方豐穰殷試石室記曰第三室高十餘丈者麤相似皆素壁若雪

則萬象
森羅

宜春水 羅霄山

吳錄曰宜春泉水地道記曰宜春縣出美酒隨歲貢

上安城記曰羅霄山有石井天旱祠之以木投井中即雨至井溢木出雨乃至以上袁州

鸚洲

鳳闕

輿地志曰夏口江中有鸚鵡洲武昌記曰城東南角有岡名鳳闕吳時有鳳集之因以為名

鄂渚 樊山

離騷云乘鄂渚而反顧曰樊口之東有樊山以上鄂州

湘

山 沅水

史記曰秦始皇浮江至湘山注曰沅水注洞庭湖中方會於江也

地道

江門

湘中記曰君山有地道郭璞江賦曰爰有包山洞庭巴陵地道山海經曰洞庭山帝女居之

其上沅澧之交瀟湘之淵在九江之門以上岳州

楂渚 橘洲

湘中記曰楂渚對岸古城

孫權遣程普所立輿地志曰橘洲在郡南對南津常看如下及至夏水懷山渚洲皆沒橘洲獨在

昭

潭

羽瀨

湘州記曰岳陽有昭潭其下無底湘水最深處又曰石子山西有小谿水石映澈名之

羽瀨昔關羽南征頓此山下因以為名

以上潭州

青壇

紫蓋

湘州記曰祝融峰上有青

玉壇方五丈有蓋香峰行道處

異苑

寶洞

僊宮

衡山有峰名曰華蓋又一名紫蓋

上衡

菁口

蘭巖

湘州記曰都谿又西北流入營水謂之菁口王韶之神異記曰蘭

巖山其路危阻迴絕人迹登其山有石路松林焉杳然便是雲霞中館宇矣

九疑山

五

會水

山海經曰蒼梧之丘九疑之山舜所葬也水經注曰都谿水出舂陵縣左與五谿俱會縣有五山

山有一谿五水會於縣門故云都谿

以上永州

茹谿

澧浦

荊州記曰茹谿源出茹龍

水水極清澈離騷
云遺余佩兮澧浦

天帚

松梁

荊州圖副記曰天
門角上石生倒垂

下一竹拂謂之天帚

吳錄曰松梁山山石間開處
容數十丈其高以弩射之不及其上以上澧州

熱石

溫泉

與地

志曰臨武縣山有熱石置物其上立
焦荆州記曰郴縣溫泉下流有田資以

溉灌常十二月下種至
明年三月新穀便登

仙人祠

義帝廟

與地志曰
馬嶺山有

仙人蘇耽壇耽至孝一朝忽辭母曰受生應倦當違供
養涕泗鳴咽百姓立壇祠之湘州記曰郴縣南有義

帝廟百姓祭之漢書曰項羽尊
楚懷王以為義帝以上郴州

龍池

鶴澤

武陵記
曰謝承

為武陵郡守時有黃龍見於郡東水中拜表上賀因號
龍池劉義慶世說曰晉羊祜鎮荊州於江陵澤中得

鶴教其舞動
以樂賓友

鼎口

風門

沅川記曰沅川水名鼎口
昔有神鼎出乎其間武

陵記曰風門山有石門去地百餘丈將欲風起此門隱隱有黑氣上須臾有黑風競起以上朗州

葱

嶺 茗山

沅川記曰沅川有孤山巖石崔嵬上有葱如人所種人時往取援輒斷絕請神而求不挽

自出武陵記謂之葱嶺 荈山九嶺嶮峻水多杉松獸多熊豹 荈川圖副曰

龍門 鹿穴

水經注曰有獨母水南出龍門 荈州記曰宋元嘉初武谿蠻人射虎逐入石穴纔容人入穴見其傍有梯因

上梯谿然開朗桑果蔚然行人翱翔亦不以怪此蠻於路所樹為記其後茫茫無復髣髴以上辰州

石牀 雲水

湘州記曰文斤山上有石牀方高一丈四面綠竹扶疎常隨風委拂水經注曰邵

陵水東會雲泉

浪水 舞谿

水經注曰浪水出武陵鐔城北界山谷荈州記

以上邵州

謂之浪谿 荈州記曰舞谿東流注沅西接牀 荈州記曰舞谿東

銅柱

石門

周地圖記曰江

中有銅柱灘 又曰均提東
十三里至石門東有石鼓

清臺

神窟

史記曰巴蜀寡婦清

其先得丹穴家富不訾清能守其業秦皇帝以為貞婦
為窠女懷清臺 益州記曰黃葛峽有相思崖芳泉周

淮俗謂之神窟
以上涪州

牂牁

桂浦

漢武帝平南夷置牂牁郡 又曰牂牁郡有桂

浦關 天井 石關

華陽國志曰牂牁郡上當天井故多雨潦 又曰且蘭縣西南有地名石

潼關 以
上牂牁

江南道三

原箴

名原關

潤州箴曰洋洋潤州江川秀遠蔣廟鍾山

孫陵曲衍江寧之邑楚曰金陵吳晉梁宋六代都興

嶺南道一

原案敘嶺南道者禹貢揚州之南境其地皆粵之分

地理

志云今蒼梧蔚林合浦交趾九真日本南海皆粵分

自嶺而南至海盡其地

廣州故南

海郡秦末南海尉趙佗王有其地

嶺南道二

原蒲澗 蘭湖

南越志曰熙安縣東北有菖蒲澗咸安中姚成甫嘗澗側過一丈人曰此菖蒲

安期先生所餌可以忘老又曰番禺北有芝蘭湖並注西海

貪泉 湏水

晉中興書曰舊

云往廣州飲貪泉失廉潔之性吳隱之為刺史自酌貪泉隱之題石門為詩曰石門有貪泉一飲懷千金試使

夷齊飲終當不易心

漢書曰

二山

八桂

南越志曰番禺

縣有番禺二山因以為名

山海經曰桂林有八樹在番禺東

潮穴

泉山

潮州記曰斯谿西通淮水

其穴若井或枯涸彌年或一日十盈十竭若潮水焉

又曰泉山有峭壁高竦連阜

錢石

玉山

湘州記曰曲江縣東有錢石山其狀

四方若臺榭其南有石三面壁峭其上有錢故謂之錢石

又曰曲江縣東有玉山

石臺

銀甕

始興記曰勞口東岸有石四方而高可百餘仞其狀若臺

采玉處

又曰林水源出盤石山

龍川

牛嶺

漢書曰龍川縣屬南海郡南越志曰羅浮山有石樓右帶牛

韶州

以上

嶺山左據龍尾

以上循州

文貝 錦蛇

南越志曰潮陽南有小水注海濱帶層山其中

多文貝可以解毒 輿地志曰龍溪謂之盤龍蛇青黑色赤帶錦文隨瀆漢水而入於海有毒傷人輒死以

上潮州

素女 青牛

發蒙記曰侯官謝端曾於海上得一大螺中有美女云我天漢中白

水素女天矜卿貧令我為卿妻 南越志曰綏安縣北有連山昔越王建德伐木為船其大千石以童男女三千牽之既而入船俱墜於潭時聞附船有唱喚督進之聲往往有青牛馳迴與船俱蓋神靈之至

靈

江神草

輿地志曰從餘姚至海三十里過溫麻江有一江名靈江道書云霍山上有神草三十

四種以上泉州

建安 將樂

吳志曰永安三年以會稽南郡為建安郡 吳錄云將樂

縣屬建安郡

以上建州

石室 嵩臺

南越志曰高安石室自生風峒南北二門狀若人功

意者以為僂都 又曰高要有疎石廣六十餘丈高二百許仞土人謂之嵩臺 以上端州

端石

岑珠

吳錄曰端谿有端山山有五色石石上多香水南越志曰端谿俚人岑班入山遇一寶珠徑

五寸取還夜光明照燭俚人甚懼以火燒之雖小損猶照一室 以上康州

香林 綸木

南越志曰盆元縣利山上多香林 又曰威寧縣有穿州其上多綸木似穀皮可以為綿 以上岡州

蒼梧 斑石

漢書曰蒼梧郡武帝元鼎六年開輿地志曰廣信縣之壽鄉有孤崑崙有斑石石

皆五色 以上梧州

圍洲

合浦

交州記曰合浦八十里有圍洲周廻百里 漢書曰合浦

郡武帝元鼎六年開 以上廉州

賀水 富川

湘州記曰臨水經臨賀縣東又南至郡左

合賀水 漢書富川縣屬蒼梧郡 以上賀州

二鼓 三田

輿地志曰後漢周敞為交趾刺

史伐龍山亦以為鼓以下分鼓給桂林郡上分鼓給交趾郡擊一鼓則二鼓皆鳴 廣志曰南方地氣暑熱一

歲田三熟冬種春熟春種夏熟秋種冬熟 以上交州

蘇嶠

麻嶺

南越志曰寧浦郡東

南有蘇摩嶠 屈璆道理記曰沙麻嶺在寧浦郡南郡即嶺之北垠 以上橫州

樹止竹

梁

林邑記曰狼野人居無室依樹宿止 南征八郡志曰糞泠縣有大竹數圍實中任屋梁柱覆用之則當

瓦以

蟻漆

鷄潮

吳錄云居風縣有蟻絮藤人視土中知有蟻因壅發以木皮插

其上則蟻出緣而生漆 輿地志曰移風縣有潮鷄鳴長且清如吹角每潮至則鳴一名林鷄

石坻

金履

南越志曰馬援鑿通九真山又積石為坻以遏海波由是不復過漲海 又曰軍安縣女子趙

姬嘗在山中聚結羣黨攻掠郡縣著金箱齒屐恒居象頭關戰 以上愛州

咸驩

都沃

漢書曰咸驪縣屬九真郡

晉太康地

志云都沃縣屬九德郡

以上驪州

極外海中

交廣二州記曰珠崖在大海南極之外吳時復置太

守任徐聞縣遙撫之漢書曰武帝立珠崖郡在南方

大海中居

巢居

椎紒

廣志云珠崖人皆巢居珠崖傳曰男女皆椎紒或被髮

廣袤千里

徒跣紒音髻

以上崖州

僂耳

僂頰

漢書曰武帝元鼎六年定越以為僂耳郡張晏注曰

僂耳僂其頰及上連耳匡分為數支

狀似鵝腸累累下垂

以上僂州

文魮

朱鼈

越南

志曰海中有文魮鳥頭尾鳴似磬而生玉

又

驃馬

曰海中多朱鼈狀如肺有四眼六脚而吐珠

水犀

南越志曰平定縣東巨海有驃馬似馬牛尾一角又曰平定縣巨海有水犀似牛其出入有

光水為之開

以上高州



御定淵鑑類函卷三百三十五